

খ্রিস্টানভাইদের প্রতি জিজ্ঞাসা

এম. যুবায়ের আহমদ

পরিচালক: ইসলামী দাওয়াহ ইনস্টিটিউট

মান্ডা শেষ মাথা, মুগদা, ঢাকা-১২১৪

০১৯১৭ ৫৯৭ ৫৫১

www.jubaerahmad.com

হিলফুল ফুয়ুল প্রকাশনী

১৩৫/৩, উত্তর মুগদাপাড়া, ঢাকা-১২১৪

০১৯৭৮ ১২৭ ৮০১, ০১৭৯ ৮৪১ ৮১০০

www.jubaerahmad.com

দ্বিতীয় সংস্করণ: সেপ্টেম্বর -২০১৫

প্রথম প্রকাশ : জানুয়ারী -২০১৫ ইং.

খ্রিস্টানভাইদের প্রতি জিজ্ঞাসা

প্রকাশক : আলহাজ ইঞ্জিনিয়ার তালাত মুহাম্মদ তৌফিকে এলাহী

স্বত্ত্ব : পরিবর্তন ও পরিবর্ধন না করার শর্তে লেখকের লিখিত অনুমতি
সাপেক্ষে যে কেউ এই বইটি প্রচার ও প্রকাশ করতে পারবেন।

কম্পোজ : আবু আমাতুল্লাহ

প্রাপ্তিস্থান

ইসলামী দাওয়াহ ইনস্টিটিউট

মান্ডা শেষ মাথা, মুগদা, ঢাকা-১২১৪

ও মাকতাবাতুস সালাম বাংলাবাজার শাখা ও দেশের বিভিন্ন লাইব্রেরিসমূহ

মূল্য : চল্লিশ টাকা মাত্র।

ভূমিকা

সকল প্রশংসা সেই মহান স্রষ্টার, যিনি আসমান যমিন ও এর মাঝে যা কিছু আছে সব কিছু সৃষ্টি করেছেন আমাদের উপকারের জন্য। আর আমাদের সৃষ্টি করেছেন শুধু তাঁরই উপাসনা করার জন্য। দুরূহ ও সালাম বর্ষিত হোক সর্বশেষ নবীর ওপর, যিনি সকল মানুষের জন্য রহমত স্বরূপ দুনিয়াতে এসেছেন। যিনি চিরস্থায়ী জাহান্নামী মানুষকে জান্নাতের পথে আহ্বান করার জন্য অস্থির থাকতেন। সেই নবী মুহাম্মদ সাল্লাল্লাহু আলাইহিওয়া সাল্লামের ওপর।

আমি বিভিন্ন ধর্মের একজন ছাত্র। ভারতে থাকা অবস্থায় হিন্দুধর্ম নিয়ে কিছু পড়াশোনা করি। এরপর আত্মহ জাগে খ্রিস্টধর্মের প্রতি। প্রথমেই পড়া শুরু করি বাইবেল। খ্রিস্টমণ্ডলীর ইতিহাস। কিন্তু যতই পড়ি শুধু অবাকই হই। আমার হৃদয়ে জাগতে থাকে নতুন নতুন প্রশ্ন। আশ্চর্য্যবিত হই- এ আবার কেমন ধর্ম? কেমন ধর্মীয় গ্রন্থ? ধর্মীয় গ্রন্থ নিয়ে আবার নিজেদের মধ্যে ঝগড়া। কেউ এক অংশ মানে আবার কেউ মানে না। তাই তাদের ধর্মীয় গ্রন্থও আবার ভিন্ন ভিন্ন। যত অধ্যয়ন করি ততই ভুল আর বৈপরীত্য আমার সামনে ভেসে ওঠে। প্রশ্ন জাগে যীশু সম্পর্কেও। বিভিন্ন সময় বিভিন্ন গির্জায় গিয়ে বিভিন্ন ফাদার ও ধর্মীয় পণ্ডিতগণের শরণাপন্ন হই। সন্তুষ্টমূলক উত্তর কারও কাছ থেকে পাইনি। অনেকে আবার এই ভুল ও দুর্বল বিষয়গুলো স্বীকারও করে নিয়েছে। অনেককে আবার দেখেছি নিজের ধর্মের ওপর নিজেরই অনাস্থা। এমনটি কেন? তাই আমি আমার খ্রিস্টান ভাইদের প্রতি কিছু জিজ্ঞাসা পেশ করলাম। আপনারা আমার জিজ্ঞাসাগুলো নিয়ে নিরপেক্ষ দৃষ্টিতে ভাববেন। ভেবে সঠিক সিদ্ধান্ত নিবেন। এর সঠিক উত্তর যদি আপনার কাছে থাকে তাহলে আমাকে জানাবেন।

বইটি প্রকাশ করতে অনেকে সহযোগিতা করেছেন। দু'একজনের নাম না নিয়েই পারছি না। প্রফ দেখে সহযোগিতা করেছেন আমার দ্বিনি ভাই মোম্মাদ মিজানুর রহমান ও মাওলানা আলী হাসান। আমার স্নেহভাজন আব্দুল বাসির, আজহার শাহ, সাঈদ আহমদ, রেজাউল করীম, মুহাম্মদ আলীসহ আরও অনেকে। মানুষ মাত্রই ভুল করবেই। একমাত্র কুরআনই নির্ভুল। এ বই মানব রচিত; ভুল থাকাই স্বাভাবিক। তাই পাঠকদের নিকট কোনো ধরনের ভুল পরিলক্ষিত হলে আমাদের জানাবেন। পরবর্তী সংস্করণে তা ঠিক করে দেয়ার চেষ্টা করবো। পরিশেষে দু'আ করি আল্লাহ লেখক প্রকাশক ও পাঠক-পাঠিকাকে কবুল করুন। এই বইটি বহু মানুষের হেদায়াতের মাধ্যম বানান, আমীন।

এম, যুবায়ের আহমদ

০১/০১/২০১৫ইং

সূচিপত্র

বিষয় পৃষ্ঠা

খ্রিস্টানভাইদের প্রতি যীশু সম্পর্কে কিছু জিজ্ঞাসা	৫
বাইবেল সম্পর্কিত কিছু জিজ্ঞাসা	১২
প্রচলিত ইঞ্জিল সম্পর্কিত কিছু জিজ্ঞাসা	২৬
কিতাবুল মুকাদ্দাস সম্পর্কিত কিছু জিজ্ঞাসা	২৯
খ্রিস্টানদের বিশ্বাস সম্পর্কে কিছু জিজ্ঞাসা	৩১
খ্রিস্টানদের ধর্ম সম্পর্কে আমাদের জিজ্ঞাসা	৩২
খ্রিস্টান ভাইদের প্রতি আকুল আবেদন	৪৭

খ্রিস্টানভাইদের প্রতি যীশু সম্পর্কে কিছু জিজ্ঞাসা

জিজ্ঞাসা-১ আপনারা বলেন ‘ঈসা’ শব্দের অর্থ নাজাতদাতা, মুক্তিদাতা, পরিব্রাজকদাতা। বলুন তো এই অর্থটি কোন্ অভিধানে আছে? ঈসা শব্দটি আরবী। আরবী কোনো অভিধানে ঈসা শব্দের অর্থ নাজাতদাতা নেই। এ বিষয়ে কী বলবেন?

জিজ্ঞাসা- ২

মসিহ শব্দের অর্থ বলা হয়েছে, মনোনীত ব্যক্তি, এটাও একই রকম। কোনো আরবী অভিধানে এই অর্থ লেখা নেই। এটাও আপনাদের মনগড়া বানানো অর্থ। এভাবে বিভ্রান্তির কারণ কী?

জিজ্ঞাসা- ৩

যীশু যদি প্রভুই হন; তাহলে তার আবার বংশ তালিকার প্রয়োজন হয় কেন?

জিজ্ঞাসা- ৪

যীশু যদি আল্লাহর ছেলে হয়; তাহলে তার বংশ মানুষের সাথে লাগবে কেন?

জিজ্ঞাসা- ৫

যীশুর জন্ম যদি আল্লাহর কুদরতে হয়; তাহলে আবার অন্য এক ব্যক্তিকে পিতা বানাতে হয় কেন?

জিজ্ঞাসা- ৬

যীশুর পিতা কয় জন? বাইবেলে কোথাও যীশু ইশ্বর পুত্র। আবার বংশ তালিকায় পিতা হলো ইউসুফ, এমনটি কেন?

জিজ্ঞাসা- ৭

যীশুর বংশতালিকায় পরুষ গণনায় ভুল কেন? দেখুন এ ব্যাপারে বাইবেল কী বলে?

মথিলিখিত সুসমাচারের ১ম অধ্যায়ের ১-১৭ শ্লোকে যীশুর বংশতালিকা বর্ণনা করা হয়েছে। ১৭ শ্লোকটি নিম্নরূপ: “এইরূপে আব্রাহাম অবধি দায়ূদ পর্যন্ত সর্বশুদ্ধ চৌদ্দ পরুষ; দাউদ অবধি বাবিলে নির্বাসন পর্যন্ত চৌদ্দ পরুষ; এবং বাবিলে নির্বাসন অবধি খ্রিস্ট পর্যন্ত চৌদ্দ পরুষ।”

এখানে স্পষ্ট বলা হয়েছে যে, যীশুর বংশতালিকা তিন অংশে বিভক্ত, প্রত্যেক অংশে ১৪ পরুষ রয়েছে এবং যীশু থেকে আব্রাহাম পর্যন্ত ৪২ পরুষ। এ কথাটি সুস্পষ্ট ভুল। মথির ১:১-১৭-ও বংশ তালিকায় যীশু থেকে আব্রাহাম

পর্যন্ত ৪২ পরুষ নয়, বরং ৪১ পরুষের উল্লেখ রয়েছে। প্রথম অংশ: ইবরাহীম আ. থেকে দাউদ আ. পর্যন্ত ১৪ পরুষ, দ্বিতীয় অংশ সুলাইমান আ. থেকে যিকনিয় পর্যন্ত ১৪ পরুষ, তৃতীয় অংশ শল্টিয়েল থেকে এবং যীশু পর্যন্ত মাত্র ১৩ পরুষ রয়েছেন।

তৃতীয় খ্রিস্টীয় শতকে বোরফেরী এই বিষয়টি সম্পর্কে আপত্তি উত্থাপন করেন, কিন্তু এর কোনো সঠিক সমাধান কেউ দিতে পারেনি। এধরনের বহু ভুল বাইবেলে উল্লেখ আছে। বইটির পরিধি বৃদ্ধির ভয়ে এখানে এই কয়েকটি পেশ করলাম।

জিজ্ঞাসা- ৮

কুরআন অনুযায়ী প্রকৃত ঈসা কে?

কুরআন	খ্রিস্টান
১. কুরআন বলে যীশু আল্লাহর বান্দা। ^১	১. খ্রিস্টানগণ বলেন যীশু নিজেই আল্লাহ।
২. কুরআন বলে, যীশু রাসূল ছিলেন। ^২	২. খ্রিস্টানগণ বলেন যীশু আল্লাহর পুত্র ছিলেন।
৩. কুরআন বলে, আল্লাহকে ছাড়া আর কারো উপাসনা করা যাবে না। ^৩	৩. খ্রিস্টানগণ বলেন, তিন খোদার উপাসনা করতে হবে।
৪. কুরআন বলে যীশু শুধু বনী ইস্রায়েলের জন্য আদর্শ। ^৪	৪. খ্রিস্টানগণ বলেন, যীশু সকল জাতির জন্য।
৫. কুরআনে যীশু বলেন আল্লাহই আমার প্রতিপালক তোমরা তারই এবাদত কর। ^৫	৫. খ্রিস্টানগণ বলেন, তিনজন প্রতিপালক, তাদেরই ইবাদত কর।
৬. কুরআন বলে, ঈসা আ. আল্লাহর নির্দেশে পাখির মধ্যে রুহ ফুক দিতেন এবং মৃত মানুষকে তাঁরই নির্দেশে জীবিত করতেন। ^৬	৬. খ্রিস্টানগণ বলেন, তিনি নিজের ক্ষমতায় ফুঁ দিয়ে পাখি বানাতেন ও মানুষ জিন্দা করতেন।
	৭. খ্রিস্টানগণ বলেন, যীশু আ. কে

১ সুরা নিসা: ১৭২-১৭৫

২ সুরা মায়দা: ৭৫

৩ সুরা মায়দা: ১১৬-১২০

৪ আয্ যুখরুফ: ৫৯-৬৩

৫ আয্ যুখরুফ: ৬৪-৬৭

৬ মায়দা: ১১০

৭. কুরআন বলে, ঈসা আ.-কে শূলিতে চড়ানো হয়নি। ^৭	শূলিতে চরানো হয়েছে, (ত্রুশবিদ্ধ করা হয়েছে)।
৮. কুরআন বলে, ঈসা আ.-কে আকাশে উঠিয়ে নেয়া হয়েছে। ^৮	৮. খ্রিস্টানগণ বলে, তিনি মৃত্যুবরণ করেছেন পরে কবর দেয়া হয়েছে, তিনদিন পর আবার জীবিত হয়েছেন।
৯. কুরআন বলে এক আল্লাহর উপাসনা কর। ^৯	তরিকুল জাল্লাতঃ পৃঃ ২৮
১০. কুরআন বলে যীশু নবী ছিলেন। ^{১০}	৯. খ্রিস্টানগণ বলে, তিন খোদার উপাসনা কর।
	১০. খ্রিস্টানরা বলে, যীশু প্রভু ছিলেন।

জিজ্ঞাসা- ৯

আপনি যীশুর ওপর বিশ্বাসী হয়ে একটি পরীক্ষা দিতে পারবেন কি?

বাইবেলের মার্ক লিখিত সুসমাচারের ১৬:১৭-১৮নং পদে লেখা আছে- যীশু বলেন, “যারা বিশ্বাস করে তাদের মধ্যে এই চিহ্নগুলো দেখা যাবে, আমার নামে তারা মন্দ আত্মা ছাড়াবে, তারা নতুন নতুন ভাষায় কথা বলবে, তারা হাতে করে সাপ তুলে ধরবে, যদি তারা ভীষণ বিষাক্ত কিছু খায় তবে তাদের কোনো ক্ষতি হবে না; আর তারা রোগীদের গায়ে হাত দিলে রোগীরা ভালো হবে।”^{১১}

এখন খ্রিস্টান ভাইদের প্রতি আমার জিজ্ঞাসা, আপনি কি সত্যিই যীশুকে বিশ্বাস করেন? যদি বলেন হ্যাঁ, তাহলে এই চিহ্নগুলোর ওপর আমল করে দেখান। অর্থাৎ আরবী, ফার্সি, চাইনিজ, মালয় ইত্যাদি ভাষায় কথা বলুন, ভীষণ বিষাক্ত বিষ খেয়ে দেখান, আর হাসপাতালে গিয়ে রোগীদের গায়ে হাত বুলিয়ে দিন যেনো তারা ভালো হয়ে যায়। যদি এই চিহ্নগুলো না দেখাতে পারেন, তাহলে বুঝা যাবে, প্রকৃত পক্ষে যীশুর ওপর আপনার কোনো বিশ্বাসই নেই।

কেউ হয়তো বলতে পারেন, আমার বিশ্বাস অসম্পূর্ণ; যদি পূর্ণ বিশ্বাস থাকতো তাহলে এই পরীক্ষায় পাস করা সম্ভব হতো।

^৭ নিসাঃ ১৫৭-১৫৮

^৮ ইমরানঃ ৫৫

^৯ মায়দাঃ ৭২-৭৪

^{১০} মায়দাঃ ৭৫

^{১১} মার্ক ১৬:১৭-১৮

ব্যাপারটি যদি এমনই হয়। তাহলে আমি আবার একটু জানতে চাইবো, আপনার কি তাহলে কিঞ্চিৎ পরিমাণ বিশ্বাস আছে? যদি বলেন হ্যাঁ, তাহলে এবার আপনাকে নিজ কিঞ্চিৎ বিশ্বাসের পরীক্ষা দিতে হবে। বাইবেলের মথি লিখিত সুসমাচারের ১৭:২০নং পদে আছে “যীশু তাদের বললেন, “তোমাদের অল্প বিশ্বাসের জন্যই পারলে না। আমি তোমাদের সত্যিই বলছি, যদি একটা শর্ষে দানার মতো বিশ্বাসও তোমাদের থাকে তবে তোমরা এই পাহাড়কে বলবে, ‘এখান থেকে সরে ওখানে যাও, আর তাতে ওটা সরে যাবে। তোমাদের পক্ষে কিছুই অসম্ভব হবে না।’” -মথি- ১৭:২০

এবার বলবো আপনার সামনে যদি পাহাড় থাকে, সেটাকে সরে যেতে বলুন, দেখুন সরে কি-না। যদি পাহাড় না থাকে তাহলে সামনের গাছটিকে বলে দেখুন সরে কি-না। যদি তাও না সরে তাহলে বুঝা যাবে, আপনার কোনো বিশ্বাস নেই। কারণ আপনি কাজের দ্বারা বিশ্বাস দেখাতে পারেননি। আর এই বিশ্বাস আপনাকে মুক্তিও দেবে না। এ কথাও আপনাদের ধর্মীয়গ্রন্থ বাইবেলে উল্লেখ আছে। দেখুন যাকোবের ২:১৪ এর শুরুতেই আছে “কাজের দ্বারা বিশ্বাস দেখাও ‘আমার ভাইয়েরা যদি কেউ বলে তার বিশ্বাস আছে কিন্তু কাজে তা না দেখায় তবে তাতে কী লাভ? সেই বিশ্বাস কি তাকে পাপ থেকে উদ্ধার করতে পারে?’ -যাকোব-২:১৪

আপনার গ্রন্থই বলছে, আপনার এই বিশ্বাস আপনাকে মুক্তি দিতে পারবে না। এখন প্রশ্ন জাগে কেন মুক্তি পাওয়া যাবে না। কারণ যেহেতু উক্ত চিহ্নগুলো আপনারা দেখাতে পারেন না।

এর পরও কি এই মানব রচিত ধর্মে থাকবেন?

জিজ্ঞাসা- ১০

যীশুখ্রিস্টের ধর্ম কী ছিল?

খ্রিস্ট শব্দটি একটু বিশ্লেষণ করলে বিষয়টি স্পষ্ট হয়ে যাবে।

নামকরণ ও সংজ্ঞা: খ্রিস্ট যীশুর একটি খেতাব যা হতে খ্রিস্টিয়ান বা খ্রিস্ট ধর্ম শব্দের উদ্ভব। আসলে খ্রিস্টধর্ম নামটি খ্রিস্টানধর্মগ্রন্থ বাইবেল অনুযায়ী স্রষ্টা প্রদত্ত শব্দ নয়, বা যীশু কিংবা তার শিষ্যগণ বা পূর্বের কোনো ভাববাদী তা উল্লেখ করেন নি। এমনকি খ্রিস্টধর্ম শব্দটি খ্রিস্টধর্ম গ্রন্থে নেই। খ্রিস্টিয়ান ব্যাখ্যা মতে খ্রিস্টধর্ম বলতে বুঝায় খ্রিস্টের দ্বারা প্রতিষ্ঠিত ধর্ম।

যীশুর সাক্ষ্যে যীশুর ধর্ম

যীশুর সাক্ষ্য তার ধর্ম ছিল অভিন্ন স্রষ্টার ইচ্ছা পালন করা। তিনি বার বার

বলেছেন, তারই ইচ্ছামতই হোক (মথি-২৬:৩৯) তারই ইচ্ছামত কাজ করতে চাই। (যোহন-৫: ৩০) তার ইচ্ছা পালন করা। (যোহন-৪:৩৪) ইত্যাদি। ইচ্ছা পালন করা অর্থাৎ বিধাতার ইচ্ছার কাছে আত্মসমর্পণ করা আরবীতে এক কথায় ইসলাম। অতএব যীশুর ধর্ম খ্রিস্টধর্ম বা মসিহী জামাত বা ঈসায়ী ছিল না। বরং ইসলাম ছিল তার প্রকৃত ধর্ম। এখন প্রশ্ন জাগে- তাহলে যীশু কোন ধর্ম প্রতিষ্ঠা করার জন্য এসেছিলেন? তিনি নতুন কোনো ধর্ম আনেননি। বরং পূর্বের ধর্ম প্রতিষ্ঠার কথা বলেছেন। তিনি বলেন, “মনে করিও না যে, আমি (পূর্বের) ভাববাদী গ্রন্থ লোপ করিতে আসিয়াছি, আমি লোপ করিতে আসি নাই, কিন্তু পূর্ণ করিতে আসিয়াছি।”¹²

জিজ্ঞাসা- ১১

আপনাদের প্রভুকে কিছু দুষ্ট লোক শূলে চড়াল, অপমান করল। যিনি নিজেকে রক্ষা করতে পারল না তিনি আবার খারাপ লোকদের রক্ষা করতে পারবে কী ভাবে?

জিজ্ঞাসা -১২

যীশু কি বলেছেন, আমি তিন জনের একজন? বাইবেল থেকে এর প্রমাণ দিতে পারবেন কি?

পক্ষান্তরে কুরআন বলে ‘তোমরা তাকে তিনের এক বলো না’। তিনি নবী।¹³

জিজ্ঞাসা- ১৩

যীশু কি বলেছেন, তোমরা বাইবেলের অনুসরণ কর? বাইবেল থেকে এর প্রমাণ দিতে পারবেন কি?

জিজ্ঞাসা- ১৪

আপনাদের বিশ্বাস অনুযায়ী যীশু কবরে কয় দিন কয় রাত ছিলেন ?

তিনি যা বলেছেন তা কি বাস্তবায়ন হয়েছে? দেখুন বাইবেল কী বলে। -

তঁার এই কথাগুলো বাস্তবায়ন হয়েছিল কি? মথি (১২:৩৯)- যীশু বলেন”, তিনি উত্তর করিয়া তাহাদিগকে কহিলেন, এই কালের দুষ্ট ও ব্যভিচারী লোকে চিহ্নের অন্ত্রণ করে, কিন্তু যোনা ভাববাদীর চিহ্ন ছাড়া আর কোনো চিহ্ন ইহাদিগকে দেওয়া যাইবে না। কারণ যোনা যেমন তিন দিন ও তিন রাত্র বৃহৎ মৎস্যের উদরে ছিলেন, তেমনি মনুষ্যপুত্র তিনদিন ও তিন রাত্র পৃথিবীর গর্ভে থাকিবেন।” যোহন (২০:১-১৮)

¹² মার্ক- ৫:১৭

¹³ সূরা নিসা-আয়াত নং-১৭১

তিনি কি তিনদিন তিনরাত কবরে ছিলেন? হিসাব করলে দেখা যায় তিনি কবরে তিনদিন তিন রাত ছিলেন না।

জিজ্ঞাসা- ১৫

যীশুর জীবনী কি আল্লাহর কালাম হতে পারে?

কোনো ব্যক্তি বা নবীর জীবনী কখনো আল্লাহর কালাম হতে পারে না। প্রচলিত ইঞ্জিলে সূচিপত্রের শুরুতে লেখা আছে ‘হযরত ঈসা মসীহের জীবনী’ আর জীবনী যেহেতু আল্লাহর কালাম হতে পারে না। তাই এই প্রচলিত ইঞ্জিলও আল্লাহর কালাম নয়।

জিজ্ঞাসা- ১৬

মানুষের লেখা চিঠি-পত্র কি আল্লাহর কালাম হতে পারে? এই প্রচলিত ইঞ্জিলে ২৭টি অধ্যায় আছে এর মধ্যে ১৪টি হলো পৌলের স্বরচিত চিঠি। যীশুকে আকাশে উঠিয়ে নেয়ার অনেক পরের পৌল নামে একজন মানুষ বিভিন্ন জাতিকে উদ্দেশ্য করে চিঠি লিখেছে। এই মানব রচিত চিঠি আল্লাহর কালাম হয় কীভাবে?

জিজ্ঞাসা- ১৭

আপনারা বলেন, যীশু নিষ্পাপ তাই তিনি শূলিতে চড়ে সকলের পাপ মাফ করে দিয়েছেন। এক পাপী অন্য পাপীকে মুক্তি দিতে পারবে না। আমরা দেখতে পাচ্ছি বাইবেল অনুযায়ী যীশু পাপী। তাহলে তিনি পাপ থেকে পরিব্রাজ দিবেন কীভাবে?

দেখুন বাইবেল কী বলে-

১. “যীশু মানুষদেরকে গালিগালাজ করতেন” মথি (১৬:২৩) মানুষকে গালি দেয়া কি পাপ নয়?

২. যীশুর অহেতুক গাছকে অভিশাপ দিয়ে মেরে ফেলা। মথি (২১:১৮-২১)-

মার্ক (১১:১৩-১৪)- অহেতুক গাছকে অভিশাপ দিয়ে মেরে ফেলা কি পাপ নয়?

৩. যীশু অহেতুক কিছু অবুঝ প্রাণীকে সমুদ্রে ডুবিয়ে মারেন। মার্ক (৫:১০-১৩)- অবুঝ প্রাণীকে সমুদ্রে ডুবিয়ে মারা কি পাপ নয়?

৪. উলঙ্গ হয়ে চলাফেরা করা” যিশাইয় (২০:২-৪)- উলঙ্গ হয়ে চলাফেরা করা কি পাপ নয়?

৫. মানুষের মল ও গোবিষ্ঠা ভক্ষণ করা” যিহিঙ্কেল (৪:৪-১৫)- মানুষের মল ও গোবিষ্ঠা ভক্ষণ করা কি পাপ নয়?

৬. “অকারণে হত্যা করা ও অভিশাপ দেওয়া”: মথি (২১:১৮-২১)- “অকারণে হত্যা করা ও অভিশাপ দেওয়া কি পাপ নয়?

৭. “যীশুর নিরপরাধ প্রাণীকে হত্যা করা” মথি (৮:২৮-৩২)- “যীশু নিরপরাধ প্রাণীকে হত্যা করা কি পাপ নয়?

জিজ্ঞাসা- ১৮

যীশু পৃথিবীতে কেন এলেন? শান্তি দিতে না অশান্তির আগুন জ্বালাতে?

বাইবেল অনুযায়ী যীশু অশান্তি সৃষ্টির জন্য এসেছেন। আর এটা কীভাবে সম্ভব যে একজন নবী বা ঈশ্বর অশান্তির জন্য এসেছেন?

মথি ১০:৩৪ নিম্নরূপ: “মনে করিও না যে আমি পৃথিবীতে শান্তি দিতে আসিয়াছি; শান্তি দিতে আসি নাই, কিন্তু খড়গ দিতে আসিয়াছি। লূক ১২:৪৯ ও ৫১ নিম্নরূপ: “(৪৯) আমি পৃথিবীতে অগ্নি নিষ্ক্ষেপ করিতে আসিয়াছি; আর এখন যদি তাহা প্রজ্বলিত হইয়া থাকে, তবে আর চাই কি?... (৫১) তোমরা কি মনে করিতেছ, আমি পৃথিবীতে শান্তি দিতে আসিয়াছি? তোমাদিগকে বলিতেছি, তাহা নয়, বরং বিভেদ সৃষ্টি করিতে আসিয়াছি।”

এখানে বলা হয়েছে যে, তিনি খড়গ, হানাহানি, ধ্বংস ও বিভেদ সৃষ্টির জন্য আগমন করেছেন। এ থেকে বুঝা যায় যে, তিনি মুক্তি, শান্তি, মিলন ও রক্ষার জন্য আগমন করেননি; কাজেই যাদেরকে ধন্য বলা হবে এবং ঈশ্বরের পুত্র বলা হবে তিনি তাদের অন্তর্ভুক্ত নন।

যিনি অশান্তির জন্য এসেছেন তিনি আবার মানুষের পাপ মুক্ত করবে কীভাবে?

জিজ্ঞাসা- ১৯

প্রকৃত নাম কী? যীশু না ঈসা? আপনারা বলেন, নামের অনুবাদ। নামের কখনো অনুবাদ হয় না। যেমন যখন লেখা হয় বারাক ওবামা সব ভাষায় এই নামই লেখা হয়। নামের অর্থ লেখা হয় না। তাহলে আপনারা এমনটি করেন কেন?

বাইবেল সম্পর্কিত কিছু জিজ্ঞাসা

জিজ্ঞাসা- ২০

খ্রিস্টানভাইদের জিজ্ঞাসা করবো, এ কথা বাইবেলে কোথায় আছে বাইবেল সকল মানুষের জন্য? আমি চ্যালেঞ্জ করে বলতে পারি, বাইবেলের কোথাও নেই তাওরাত ইঞ্জিল সকল মানুষের জন্য। বা বাংলাদেশীদের জন্য। আপনি যেই গ্রন্থকে বিশ্বাস করছেন সেটাই তো আপনার জন্য নয়। তাহলে আপনি কিসের ওপর প্রতিষ্ঠিত আছেন? তা বুঝে শুনে সিদ্ধান্ত নিন। বুঝার চেষ্টা করুন আপনি কি সত্যের ওপর আছেন, না ভুলের উপর চলছেন।

পক্ষান্তরে কুরআন সকল মানুষের জন্য হেদায়াত নামা। চাই মানুষটি খ্রিস্টান হোক, হিন্দু হোক, মুসলমান হোক। যেই হোক না কেন, সকল মানুষের জন্য এই কুরআন। আল্লাহ পাক বলেছেন, “রমযান মাসই হল সে মাস, যাতে নাযিল করা হয়েছে কুরআন, যা মানুষের জন্য হেদায়াত।”

-সূরা বাকারা-১৭৫

হিন্দু, খ্রিস্টান, মুসলিম সকলেই মানুষ। আর কুরআনও সকল মানুষের জন্য। অতএব, কোনো খ্রিস্টান যদি মানুষ হয়ে থাকেন, তাহলে তাকে কুরআন মানতে হবে। তবেই সে হেদায়াত পাবে। আমি খ্রিস্টান ভাইদের দাওয়াত দিচ্ছি, আপনারা কুরআন পড়ুন, ও হেদায়েতের উপর চলুন।

জিজ্ঞাসা-২১

খ্রিস্টানভাইদের জিজ্ঞাসা করবো, বলুনতো আপনাদের বাইবেল/তাওরাত ইঞ্জিল কোন ভাষায় অবতীর্ণ হয়েছে?

ঈসা নবী কোন ভাষায় কথা বলতেন? যদি বলেন অরমীয়। তাহলে বাইবেল লেখা হয়েছে কোন ভাষায়? আপনি বলবেন হিব্রু ভাষায়। যেই ভাষায় ঈসা নবী কথা বলতেন ইঞ্জিল প্রচার করতেন, সেই ভাষায় ইঞ্জিল লেখা হলো না, লেখা হলো অন্য ভাষায়; এমটি কেন?

জিজ্ঞাসা-২২

যীশুকে আসমানে উঠিয়ে নেয়ার পর থেকে ৩০০ বছরের মধ্য সময়ের ইঞ্জিল কেউ দেখাতে পারবেন কি? আমি বহু খ্রিস্টানভাইদের এই ওপেন চ্যালেঞ্জ করেছি, কেউ দেখাতে পারেনি। আর পারবেই বা কীভাবে, নেই তো; যা আছে তার মধ্যে আবার অসংখ্য ভুল। বৈপরিত্যের তো কথাই নেই। বিকৃতির তো অভাবই নেই।

জিজ্ঞাসা- ২৩

বর্তমানে আমরা যেই বাইবেল দেখি তা হলো বাংলা অনুবাদ। কিন্তু সাথে আসলটি দিয়ে দেয়া উচিত ছিল। সেটি দেওয়া হলো না কেন?

পক্ষান্তরে কুরআন আরবী ভাষায়, যেই নবীর ওপর কুরআন অবতীর্ণ করা হয়েছে, তার ভাষা ছিল আরবী। প্রত্যেক নবীর ওপর যেই কিতাব অবতীর্ণ করা হয়েছে তা সেই নবীর মাতৃভাষায় অবতীর্ণ হয়েছে। একটি জিনিস বুঝার বিষয়, কুরআন মূলত লিখিতভাবে আসেনি। আল্লাহ পাক তা মানুষকে মুখস্থ করিয়ে অন্তরে অন্তরে হেফাজত করেছেন। এই ভাষা মুখস্থ করাও সহজ, লক্ষ লক্ষ কুরআনের হাফেজ, ফলে এর মাধ্যমে কুরআনকে হেফাজত করা হয়েছে।

জিজ্ঞাসা- ২৪

খ্রিস্টানভাইদের জিজ্ঞাসা করবো, বাইবেল, কিতাবুল মুকাদ্দাস, বর্তমান প্রচলিত তাওরাত, ইঞ্জিল এগুলো আল্লাহর কালাম একথা কি প্রমাণ করতে পারবেন? এগুলো আসমানি গ্রন্থ একথা কুরআন ও বাইবেলে কোথাও আছে কি?

জিজ্ঞাসা- ২৫

খ্রিস্টানভাইদের জিজ্ঞাসা করতে চাই, বলুন তো আল্লাহর কালাম কি পরিবর্তন হতে পারে? উত্তরে বলবেন, না। আমি বলবো যেটা পরিবর্তন হয় সেটা আল্লাহর কালাম হতে পারে না। আর যদি বাইবেলের মধ্যে পরিবর্তন পাওয়া যায় তাহলে সেটাও আল্লাহর কালাম নয়। বর্তমান বাইবেল যে পরিবর্তন হয় তার কিছু প্রমাণ নিম্নে উল্লেখ করছি।

প্রমাণ নং-১

কেরী বাইবেলের ভূমিকাতেই লেখা হয়েছে “গত দুইশত বৎসরে বেশ কয়েকবার এই বাইবেল সংশোধিত হয়েছে এবং প্রায় ৫০ বৎসর পূর্বে শেষ বারের মত সংশোধিত হয়েছে বলে জানা যায়। বেশ কয়েক বৎসর পূর্বে দুই বাংলার বাইবেল সোসাইটির নীতি নির্ধারকগণ বর্তমান প্রজন্মের জন্য বাইবেলের আরও একটি সংশোধনের প্রয়োজন আছে বলিয়া নীতিগত সিদ্ধান্ত নেন।¹⁴

প্রিয় পাঠক! আপনিই বলুন- আল্লাহর কালামের কোনো সংশোধনের প্রয়োজন হয় না। আর যেটার সংশোধনের প্রয়োজন হয়, সেটা আল্লাহর কালাম হতে পারে না। বাইবেল বা কিতাবুল মুকাদ্দাস ইত্যাদির যেহেতু

¹⁴. কেরী বাইবেল ভূমিকা,

সংশোধনের প্রয়োজন হয় তাই এগুলোও আল্লাহর কালাম নয়। এর মধ্যে পরিবর্তন পরিবর্তন হয়। এর একটি জলন্ত প্রমাণ নিম্নে পেশ করলাম।

প্রমাণ নং-২

বাইবেলের ২ বংশাবলী ২১:২০ এ আছে অহসিয়র পিতা যিহরাম রাজার বিবরণ। তিনি ৩২ বছর বয়সে রাজত্ব লাভ করেন। ৮-বছর রাজত্ব করেন। এর পর তিনি মারা যান। মৃত্যুকালে তার বয়স ছিল ৪০ বছর। তার মৃত্যুর পর তারই কনিষ্ঠ ছেলে অহসিয় রাজত্বভার গ্রহণ করেন। সে সময় তার বয়স ছিল ৪২ বছর। তাহলে বুঝা গেল পিতার চেয়ে ছেলে ২ বৎসরের বড়। এটা হলো কেরী বাইবেলের তথ্য। বাইবেলের পরবর্তি এডিশনে ৪২ এর স্থানে ২২ বছর লিখে দেওয়া হয়েছে। এই পরিবর্তন কারা করল? কেন করল?

জিজ্ঞাসা- ২৬

প্রচলিত তাওরাত, ইঞ্জিল কি আল্লাহর কালাম?

প্রচলিত তাওরাত-ইঞ্জিল বিকৃত ও মানবরচিত গ্রন্থ।

কুরআনে তার অনেক প্রমাণ পাওয়া যায়। পাঠকদের বুঝার সুবিধার্থে নিম্নে কয়েকটি প্রমাণ পেশ করলাম।

প্রমাণ: নং-১

“তোমাদের কিছু লোক নিরক্ষর। তারা মিথ্যা আকাজক্ষা ছাড়া আল্লাহর গ্রন্থের কিছুই জানে না। তাদের কাছে কল্পনা ছাড়া কিছুই নেই।

“অতএব, তাদের জন্য আফসোস। যারা নিজ হাতে গ্রন্থ লেখে এবং বলে, এটা আল্লাহর পক্ষ থেকে অবতীর্ণ- যাতে এর বিনিময়ে সামান্য অর্থ গ্রহণ করতে পারে। অতএব, তাদের প্রতি আক্ষেপ, তাদের হাতের লেখার জন্যে এবং তাদের প্রতি আক্ষেপ, তাদের উপার্জনের জন্যে।”¹⁵

প্রিয় পাঠক! ওপরে কুরআনের বিবরণ থেকে বুঝতে পেরেছেন তারা কীভাবে পরিবর্তন করেছে। এখনও পোপ বা ফাদারগণ টাকার বিনিময়ে পাপ ক্ষমা করিয়ে দেন। কোনো খ্রিস্টান যদি বড় ধরনের পাপ করে তারা পোপ বা ফাদারদেরকে টাকা দিয়ে পাপ মার্জনা করিয়ে আনে। আয়াতের দ্বিতীয় অংশ তাদের বাস্তব কর্মের সাথে মিলে যায়। আল্লাহ নিজেই তাদের জন্য আক্ষেপ করেছেন। আল্লাহ সকল খ্রিস্টান ও অমুসলিম ভাই-বোনকে হেদায়াত দান করুন। আমীন।

¹⁵. সূরা বাকারা ৭৮-৭৯,

প্রমাণ নং-২

প্রচলিত তাওরাত-ইঞ্জিল আল্লাহর কালাম নয়। এগুলোর পূর্বের কিতাবে যা কিছু ছিল সেগুলোও তারা পরিবর্তন করেছে। দেখুন আল্লাহ তাআলা বলেন-

يُحَرِّفُونَ الْكَلِمَ مِنْ بَعْدِ مَوَاضِعِهِ

“হে রাসূল, তাদের জন্যে দুঃখ করবেন না, যারা দৌড়ে গিয়ে কুফরে পতিত হয়; যারা মুখে বলে: আমরা মুসলমান, অথচ তাদের অন্তর মুসলমান নয় এবং যারা ইহুদি; মিথ্যা বলার জন্যে তারা গুপ্তচর বৃত্তি করে। তারা অন্য দলের গুপ্তচর, যারা আপনার কাছে আসেনি। তারা বাক্যকে স্বস্থান থেকে পরিবর্তন করে।”¹⁶

এই আয়াতের প্রথম অংশের সম্বোধনটি মিলে যায় বর্তমান কিছু খ্রিস্টানদের সাথে। তারা নিজেদের মুসলমান দাবি করতে চায়। নিজেদের ঈসায়ী মুসলিম বলে পরিচয় দেয়। এদের অন্তরে থাকে কুফর। মূলত এরা খ্রিস্টান। মুসলমানদের ধোঁকা দেয়ার জন্যই এই নাম ব্যবহার করে। তারা মুসলমানদের উদ্দেশ্যে, বাইবেলের নাম পরিবর্তন করেছে। মুসলমানদের ধোঁকা দেয়ার জন্য নাম দিয়েছে কিতাবুল মুকাদ্দাস। সেখানে তারা ইসলামী পরিভাষা ব্যবহার করেছে। হে আল্লাহ! তাদেরকে হেদায়াত দান করুন। মুসলমানদেরকে তাদের চক্রান্ত হতে হেফাজত করুন। আমীন। আল্লাহ বলেন “তারা বাক্যকে স্বস্থান থেকে পরিবর্তন করে।” যেমন বাইবেল পরিবর্তন করে বানিয়েছে কিতাবুল মুকাদ্দাস। এমন বহু প্রমাণ আমাদের কাছে আছে। বইটির কলেবর বৃদ্ধির ভয়ে এখানে উল্লেখ করা সম্ভব হলো না।

প্রমাণ নং-৩

“অতএব তাদের জন্যে আফসোস। যারা নিজ হাতে গ্রন্থ লেখে এবং বলে, এটা আল্লাহর পক্ষ থেকে অবতীর্ণ- যাতে এর বিনিময়ে সামান্য অর্থ গ্রহণ করতে পারে। অতএব তাদের প্রতি আক্ষেপ, তাদের হাতের লেখার জন্যে এবং তাদের প্রতি আক্ষেপ, তাদের উপার্জনের জন্যে।”¹⁷ যেমন বাইবেল, প্রচলিত তাওরাত, ইঞ্জিল, কিতাবুল মুকাদ্দাস।

প্রমাণ নং-৪

“হে আহলে-কিতাবগণ! তোমাদের কাছে আমার রাসূল আগমন

করেছেন। কিতাবের যেসব বিষয় তোমরা গোপন করতে, তিনি তার মধ্য থেকে অনেক বিষয় প্রকাশ করেন এবং অনেক বিষয় মার্জনা করেন। তোমাদের কাছে একটি উজ্জ্বল জ্যোতি এসেছে এবং একটি সমুজ্জ্বল গ্রন্থ।”¹⁸

নবীজী সাল্লাল্লাহু আলাইহিওয়া সাল্লামের মাধ্যমে তাদের স্বরূপ উদঘাটন হয়েছে। কুরআন এসেছে। এটাকে তাদের মানা উচিত। এটা একটি সমুজ্জ্বল গ্রন্থ।

পবিত্র কুরআনের বাণী দ্বারা পরিষ্কারভাবে আমরা জানতে পারলাম, ইহুদি খ্রিস্টানগণ তাদের গ্রন্থের কিছু অংশ গোপন করেছে, নিজ হাত দ্বারা লিখে পরিবর্তন করে দিয়েছে। আর বলছে এগুলো আল্লাহর পক্ষ থেকে অবতীর্ণ। আল্লাহর বাণী। এছাড়া আরো বহু প্রমাণ কুরআনে বিদ্যমান এখানে এ কয়টিই উল্লেখ করলাম।¹⁹

এখন আমরা দেখবো তাওরাত, ইঞ্জিল, কিতাবুল মুকাদ্দাস যে তাদের হাতের লিখিত কিতাব যা পরিবর্তনশীল, তার দু-একটি চিত্র।

২য় রাজাবলীর ৮:২৬ শ্লোকে উল্লেখ আছে “অহসীয় রাজা ২২ বৎসর বয়সে রাজত্ব গ্রহণ করেন। পক্ষান্তরে ২য় বংশাবলীর ২২:২ শ্লোকে বলা হয়েছে ৪২ বৎসর বয়সের কথা। উভয় বর্ণনার বৈপরিত্য দেখুন ২০ বৎসর বয়সের ব্যবধান।

২য় বংশাবলীর ২১:২০ এবং ২২:১-২ পদে- “অহসিয়ার পিতা যিহোরাম এর মৃত্যুকালীন বয়স বলা হয়েছে ৪০ বৎসর, এবং তার পর পরই অহসিয় সিংহাসনে বসেন।”

সুতরাং ২য় তথ্যটি যদি সঠিক হয় তবে প্রমাণিত হয় ছেলের চাইতে পিতা ২ বৎসরের ছোট। আর এ ধরনের মিথ্যা বানোয়াট কথা কখনো আল্লাহর বাণী হতে পারে না।

ইঞ্জিল নামে প্রচলিত গ্রন্থটি পৌল নামের এক ধূর্ত খ্রিস্ট বিরোধী ইহুদির লিখিত কিছু চিঠি। আর কিছু পুস্তিকার নাম। কথিত ইঞ্জিলে মোট ২৭ টি অধ্যায়। তার মাঝে ১৪ টি অধ্যায়ই তার লিখিত চিঠি। এতে রয়েছে যীশুর জীবনী, তাকে শূলীতে চড়ানো, আকাশে উঠিয়ে নেওয়া এমনকি আকাশে উঠিয়ে নেওয়ার পরের ইতিহাসও তাতে স্থান পেয়েছে।

সুতরাং উক্ত সংক্ষিপ্ত আলোচনার দ্বারা স্পষ্ট বুঝা গেল, বর্তমান প্রচলিত

¹⁶ . সূরা মায়দা-৪১

¹⁷ সূরা বাকারা-৭৯

¹⁸ সূরা মায়দা-১৫

¹⁹ আরো দেখুন সূরা বাকারা -৭৫ সূরা নিসা-৪৬ নং আয়াতে।

ইজিল যদি যীশুর ওপর অবতারিত ইজিল হতো তাহলে যীশুকে আকাশে উঠিয়ে নেয়ার পরবর্তী ঘটনা তাতে থাকতো না। তাওরাত-ইজিল যদি আল্লাহর বাণীই হতো, তবে এই গ্রন্থে কোনো প্রকারের ভুল-ভ্রান্তি, বৈপরীত্য বা অশীল কথা থাকতো না। অথচ তাতে হাজারো ভুল ও বৈপরীত্য পরিলক্ষিত হয়। বহু ইহুদি খ্রিস্টান গবেষক তাদের গ্রন্থের ওপর গবেষণা করে একথা স্বীকার করতে বাধ্য হয়েছেন যে এই গ্রন্থ নবীগণের অনেক পরবর্তী যুগের কোনো ব্যক্তিবর্গের। যার ফলে এতে রয়েছে ব্যাপক ভুল-ভ্রান্তি ও বৈপরীত্য।

জিজ্ঞাসা- ২৭

আপনারা কি বাইবেল সংকলনের ইতিহাস জানেন? যদি বলেন হ্যাঁ তাহলে এই বাইবেল মানেন কীভাবে? যদি বলেন না। তাহলে আপনাদের জন্য এখানে সংক্ষিপ্তভাবে বাইবেল সংকলনের ইতিহাস পেশ করছি।

(ক) তাওরাত-ইজিল কখনই সাধারণ মানুষের পাঠ্য বই ছিল না। বরং একান্ত কতিপয় ধর্মগুরু বা পুরোহিত বছরে দুই একটি অনুষ্ঠানে বা প্রয়োজনে তা পাঠ করতেন। সাধারণ মানুষের জন্য বাইবেল পাঠ নিষিদ্ধ ছিল। কয়েকশ বছর আগেও বাইবেল পাঠ করলে আগুনে পুড়িয়ে মারা হতো।

(খ) মূসা আ. তাওরাতের একটি মাত্র কপি সিঙ্ককের মধ্যে রেখে গিয়েছেন, প্রতি সাত বছর পর পর তা পড়ার জন্য। কিন্তু তার মৃত্যুর সাত বছরের মধ্যেই ইহুদিরা তার ধর্ম ত্যাগ করে শির্ক কুফুরে লিপ্ত হয়ে যায়। এভাবে তাওরাতের পাণ্ডুলিপিটি হারিয়ে যায়। শত শত বছর পরে লোক মুখের প্রচলনে তা লেখা হয়।

(গ) যীশুর শিষ্যগণ তার ইজিল লেখেননি। কারণ, তিনি তাদের বলেছিলেন যে, তারা জীবিত থাকতেই কেয়ামত হবে। যীশুর শিষ্যগণ এ কথায় বিশ্বাস করতেন ও ভবিষ্যদ্বাণী করতেন যে, তারা জীবিত থাকতেই কেয়ামত এসে যাবে। এ বিশ্বাসের ভিত্তিতে ইজিলে আল্লাহর কালাম লিখতে নিষেধ করা হয়েছে: “আর তিনি আমাকে কহিলেন, তুমি এ গ্রন্থের ভাব বাণীর বচন সকল মুদ্রাঙ্কিত করিয় না (লিখিয় না); কেননা সময় সন্নিহিত। যে অধর্মচারী, সে ইহার পরও অধর্মচারণ করুক এবং যে কলুষিত সে উহার পরেও কলুষিত হউক; এবং যে ধার্মিক, সে ইহার ধর্মচারণ করুক; এবং যে পবিত্র সে ইহার পরেও পবিত্রকৃত হউক।”²⁰

(ঙ) খ্রিস্টান গবেষক পাদরীগণ একমত যে, যীশুর তিরোধানের পরে দুইশত বছরের মধ্যে প্রচলিত ইজিলগুলির কোনো নাম কোথাও পাওয়া যায়

না। এ সময়ে খ্রিস্টানগণ অনেক কষ্ট ও ত্যাগ স্বীকার করে বিভিন্ন দেশে খ্রিস্টধর্ম প্রচার করেছেন। কিন্তু কেউ যীশুর ইজিলের কোনো লিখিত রূপ সংরক্ষণ করেননি। প্রথম শতাব্দির মধ্যেই এশিয়া, আফ্রিকা ও ইউরোপের বিভিন্ন স্থানে খ্রিস্টান চার্চ প্রতিষ্ঠিত হয়েছে, বিশপ নিযুক্ত হয়েছে। এসকল বিশপের অনেক চিঠি ও বই এখনও সংরক্ষিত আছে। কিন্তু সেগুলিতে প্রচলিত ইজিলগুলির কোনো নাম উল্লেখ নেই। দুইশত বছর পর্যন্ত কোনো চার্চে কোনো ইজিল শরীফ সংরক্ষিত রাখা বা পঠিত হওয়া তো দূরের কথা এগুলির কোনো উল্লেখই পাওয়া যায় না। অর্থাৎ মথি, মার্ক, লুক, ও যোহনের লেখা ইজিল নামে কোনো পুস্তক যে পৃথিবীতে বিদ্যমান একথাটিই দুইশত বছর পর্যন্ত কেউ জানতো না। এটি কোনো বিতর্কিত তথ্য নয়, বরং সকল খ্রিস্টান কর্তৃক স্বীকৃত সত্য।

(চ) প্রায় তিনশত বছরের মাথায় সমাজে অগণিত ইজিল শরীফ প্রকাশ পেতে থাকে। পরবর্তী কয়েকশ বছর যাবত সাধু পলের অনুসারী ত্রিত্ববাদী পাদরীগণ এ সকল ইজিলের মধ্য থেকে তাদের পছন্দসই ইজিলগুলি বাছাই করে “সঠিক” (canonical) এবং বাকী ইজিলগুলিকে “সন্দেহজনক” (non canonical/ apo cryphal) বলে দাবি করেন। কোনটি সঠিক এবং কোনটি সন্দেহজনক তা নিয়েও তাদের মতভেদের অন্ত নেই। আবার “সঠিক” ইজিলগুলির পাণ্ডুলিপিগুলির মধ্যেও অগণিত বৈপরীত্য ও ভুলভ্রান্তি বিদ্যমান। পক্ষান্তরে কুরআন এমনটি নয়।²¹

জিজ্ঞাসা- ২৮

আপনাদের বাইবেল অনুযায়ী জাগতিক সমস্যাসমূহের সমাধান দেয়া কি সম্ভব?

আশা করি পারবেন না। কারণ, বাইবেল হলো অসম্পূর্ণ একটি গ্রন্থ। এটা মানব রচিত গ্রন্থ। এর মধ্যে মানবজাতির কোনো সমস্যার সমাধান নেই। আমি নিম্নে কিছু তালিকা দিচ্ছি বাইবেল দ্বারা এর সমাধান দিতে পারবেন কি?

১. পিতা, মৃত্যুর পর অনেক সম্পদ রেখে গেল। উদাহরণস্বরূপ ৪ বিঘা জমি ছিল। এই সম্পদের মালিক হবে ৩ মেয়ে ২ ছেলে। এবার বাইবেল অনুযায়ী এই জমির সূষ্ঠা বন্টন হবে কীভাবে?

২. বাইবেল অনুযায়ী চুরির শাস্তি কী? বাইবেল থেকে প্রমাণ দিতে পারবেন কি?

²⁰ প্রকাশিত বাক্য ২২/১০-১১

²¹ সংক্ষেপিত ইয়হারুল হক- পৃ:২০-৪২

৩. ডাকাত ও রাহাজানির শাস্তি কী? বাইবেল থেকে প্রমাণ দিতে পারবেন কি?

৪. কেউ একজনকে অন্যায়ভাবে হত্যা করল বাইবেল অনুযায়ী এর সমাধান কী?

৫. কেউ কারো বিরুদ্ধে মিথ্যা মামলা দিলো বাইবেল অনুযায়ী এই সমস্যার সমাধান কী?

৬. একই সম্পদের দু'জন দাবিদার। বাইবেল অনুযায়ী সমাধান কী?

৭. কেউ কারো মেয়েকে অপহরণ করল। বাইবেল অনুযায়ী সমাধান কী?

৮. লেন-দেনের বিভিন্ন সমস্যা, বাইবেল অনুযায়ী এর সমাধান কী?

৯. ব্যাংকিং সম্পর্কিত সমস্যাসমূহের বাইবেল অনুযায়ী সমাধান কী?

১০. পৃথিবীতে কোথাও কি খ্রিস্টীয় ব্যাংকিং ব্যবস্থা আছে? যারা বাইবেলের আইন মেনে চলে?

১১. বিচার ব্যবস্থার সমস্যার বাইবেল অনুযায়ী সমাধান কী?

১২. রাষ্ট্র পরিচালনার নীতিমালার সমস্যা বাইবেল অনুযায়ী সমাধান কী?

১৪ বাংলাদেশে বিদ্যমান রাজনৈতিক সমস্যা বাইবেল অনুযায়ী সমাধান কী?

১৫. রাজনৈতিকভাবে হরতাল ডাকা হয় বাইবেল অনুযায়ী এর সমাধান কী?

১৬. কয়দিন পর পর শোনা যায় বাংলাদেশের আইন সংশোধনের কথা। ফলে পক্ষে বিপক্ষে অনেক আন্দোলন হয়। মিছিল হয়। তৈরি হয় বহুবিধ সমস্যা। বাইবেল অনুযায়ী সমাধান কী?

১৭. সহশিক্ষা নিয়ে পক্ষে-বিপক্ষে অনেক মতভেদ আছে। বাইবেল অনুযায়ী সমাধান কী?

১৮. শিক্ষা ব্যবস্থা দুর্নীতি ছাত্র-ছাত্রীদের সেশন জট ইত্যাদি বাইবেল অনুযায়ী সমাধান কী?

১৯. তরুণ-তরুণীদের প্রেম-প্রীতিতে বাধা পড়লেই আত্মহত্যা করছে বাইবেল অনুযায়ী এর সমাধান কী?

এমন অনেক সমস্যায় মানব জাতি হাবুডুবু খাচ্ছে এসব কোনো সমস্যার সমাধান বাইবেল, বর্তমান তাওরাত ইঞ্জিল দিতে পারবে না। সব কিছুই সমাধান এ সব কিতাবে নেই। কারণ, এগুলো মানব রচিত বই, আল্লাহর কালাম না। পক্ষান্তরে কুরআনে সকল সমস্যার সমাধান আছে। কারণ এটা

মানুষের সৃষ্টির কালাম। তিনি মানবের সমস্যা সম্পর্কে খুব ভালো করে জানেন। তাই তিনি মানবের সকল সমস্যার সমাধান, তার এই কালামেপাক ও তার প্রিয় হাবিব মুহাম্মদ সাল্লাল্লাহু আলাইহি ওয়া সাল্লামের মাধ্যমে আমাদের জানিয়ে দিয়েছেন।

জিজ্ঞাসা- ২৯

আপনারা যীশু ও মুসা আ. এর ওপর যেই কিতাব অবতীর্ণ হয়েছিল এমন একটি কিতাব দেখাতে পারবেন কি?

জিজ্ঞাসা- ৩০

বাইবেল কি নির্ভুল?

বাইবেলে অগণিত ভুল আছে, খ্রিস্টান পণ্ডিতরাই বলেছেন এতে প্রায় পঞ্চাশ হাজার ভুল আছে। এখানে বাইবেল থেকে কয়েকটি ভুল আপনাদের সামনে পেশ করছি। এর উত্তর কী ভাবে দিবেন? দেখুন-

(ক) সুলাইমান আ.এর বারান্দার উচ্চতা বর্ণনায় ভুল কেন?

২বংশাবলির ৩য় অধ্যায়ের ৪র্থ পদে সুলাইমান আ. এর মসজিদ বা আল-মাসজিদুল আকসার (বাইবেলের ভাষায়: শলোমনের মন্দিরের) বর্ণনায় বলা হয়েছে: “আর গৃহের সম্মুখস্থ বারান্দা গৃহের প্রস্থানুসারে বিংশতি হস্ত দীর্ঘ ও এক শত বিংশতি হস্ত উচ্চ হইল।”

“১২০ হাত উচ্চ” কথাটি নিখাদ ভুল। ১রাজাবলির ৬ অধ্যায়ের ২ পদে স্পষ্ট উল্লেখ করা হয়েছে যে, শলোমনের নির্মিত মন্দিরের উচ্চতা ছিল ত্রিশ হস্ত। তাহলে বারান্দা কীভাবে ১২০ হাত উঁচু হবে?

আদম ক্লার্ক তার ভাষ্যগ্রন্থে ২ বংশাবলির ৩য় অধ্যায়ের ৪র্থ পদের ভুল স্বীকার করেছেন। এজন্য সিরিয় (সুরিয়ানী) ভাষায় ও আরবী ভাষায় অনুবাদে অনুবাদকগণ ১২০ সংখ্যাকে বিকৃত করেছেন। তারা “এক শত” কথাটি ফেলে দিয়ে বলেছেন: “বিশ হাত উচ্চ।”

১৮৪৪ সালের আরবী অনুবাদে মূল হিব্রু বাইবেলের এ ভুল “সংশোধন”(!) করে লেখা হয়েছে: “আর গৃহের সম্মুখস্থ বারান্দা গৃহের প্রস্থানুসারে বিংশতি হস্ত দীর্ঘ ও বিংশতি হস্ত উচ্চ হইল।”^{২২}

জিজ্ঞাসা- ৩১

বাইবেল কি স্ববিরোধ মুক্ত?

বাইবেলে বৈপরীত্য ও স্ববিরোধে ভরপুর। এখানে বহু বৈপরীত্যের মধ্যে মাত্র কয়েকটি পাঠকদের খেদমতে পেশ করলাম। এবার খ্রিস্টান ভাইদের প্রতি আমার জিজ্ঞাসা বলুন তো এই বৈপরীত্যযুক্ত গ্রন্থ কি আল্লাহর কালাম

হতে পারে? আপনারা এই স্ববিরোধযুক্ত গ্রন্থটি মানেন কেন? এর সমাধান কী?

জিজ্ঞাসা-৩২

বিন্যামীনের সন্তানদের নাম ও সংখ্যায় বৈপরীত্য কেন?

দেখুন বাইবেল এ ব্যাপ্যারে কী বলে?

১ বংশাবলির ৭ম অধ্যায়ের ৬পদে বলা হয়েছে: “বিন্যামীনের সন্তান-বেলা, বেখর ও যিদীয়েল, তিন জন।”

পক্ষান্তরে ১ বংশাবলির ৮ম অধ্যায়ের ১পদে বলা হয়েছে: বিন্যামীনের জৈষ্ঠ পুত্র বেলা, দ্বিতীয় অস্বেল, তৃতীয় অহর্হ, চতুর্থ নোহা ও পঞ্চম রাফা।”

কিন্তু আদিপুস্তক ৪৬ অধ্যায়ের ২১ পদে বলা হয়েছে: “বিন্যামীনের পুত্র বেলা, বেখর, অস্বেল, গেরা, নামন, এহী, রোশ, মুপ্পীম, হুপ্পীম ও অর্দ।”

তাহলে বিন্যামীনের সন্তান সংখ্যা প্রথম বক্তব্যে তিন জন এবং দ্বিতীয় বক্তব্যে ৫ জন। তাদের নামের বর্ণনাও পরস্পর বিরোধী, শুধু বেলার নামটি উভয় পদে উল্লেখ করা হয়েছে, বাকিদের নাম সম্পূর্ণ ভিন্ন। আর তৃতীয় পদে বিন্যামীনের সন্তান সংখ্যা ১০ জন। নামগুলি আলাদা। তৃতীয় পদের নামগুলির সাথে প্রথম পদের সাথে দুজনের নামের এবং দ্বিতীয় পদের দুজনের নামের মিল আছে। আর তিনটি পদের মিল আছে একমাত্র ‘বেলা’ নামটি উল্লেখের ক্ষেত্রে।

প্রথম ও দ্বিতীয় পদদ্বয় একই পুস্তকের। উভয় পুস্তকের লেখক ইয়্রা ভাববাদী। এভাবে একই লেখকের লেখা একই পুস্তকের দুটি বক্তব্য পরস্পর বিরোধী বলে প্রমাণিত হলো। আবার তাওরাতের আদিপুস্তকের বক্তব্যের সাথে ইয়ার দুটি বক্তব্যও বৈপরীত্য প্রমাণিত হলো। এ সুস্পষ্ট পরস্পর বিরোধী বক্তব্য আপনাদেরকে হতবাক করে দিয়েছে। তারা স্বীকার করতে বাধ্য হয়েছেন যে, ইয়াই ভুল করেছেন। এ ভুলের কারণ হিসেবে আপনারা উল্লেখ করেন যে, ইয়া পুত্র ও পৌত্রের মধ্যে পার্থক্য করতে পারেননি এবং যে বংশতালিকা দেখে তিনি বংশাবলির এই তালিকা লিখেছেন সেই মূল বংশতালিকাটি ছিল অসম্পূর্ণ।

জিজ্ঞাসা-৩৩

ইস্রায়েল ও যিহূদা রাজ্যের সৈনিকদের সংখ্যার বৈপরীত্য কেন?

শামুয়েলের দ্বিতীয় পুস্তকের ২৪ অধ্যায়ের ৯ম পদটি নিম্নরূপ: “পরে যোয়াব গণিত লোকদের সংখ্যা রাজার কাছে দিলেন; ইস্রায়েলে খড়গ-ধারী আট লক্ষ বলবান লোক ছিল; আর যিহূদার পাঁচ লক্ষ লোক ছিল।”

অপর দিকে বংশাবলি প্রথম খণ্ডের ২১ অধ্যায়ের ৫ম পদ নিম্নরূপ: “আর

যোয়াব গণিত লোকদের সংখ্যা দায়ূদের কাছে দিলেন। সমস্ত ইস্রায়েলের এগার লক্ষ খড়গধারী লোক ও যিহূদার চারি লক্ষ সত্তর সহস্র খড়গধারী লোক ছিল।”

তাহলে প্রথম বর্ণনামতে ইস্রায়েলের যোদ্ধাসংখ্যা ৮,০০,০০০ এবং যিহূদার ৫,০০,০০০। এর দ্বিতীয় বর্ণনামতে তাদের সংখ্যা: ১১,০০,০০০ ও ৪,৭০,০০০ উভয় বর্ণনার মধ্যে বৈপরীত্যের পরিমাণ দেখুন! ইস্রায়েলের জনসংখ্যা বর্ণনায় ৩ লক্ষের কমবেশি এবং যিহূদার জনসংখ্যার বর্ণনায় ত্রিশ হাজারের কমবেশি।

বাইবেল ভাষ্যকার আদম ক্লার্ক তার ব্যাখ্যাগ্রন্থে স্বীকার করেছেন যে পরস্পর বিরোধী বক্তব্যের মধ্যে কোনটি সঠিক তা নির্ণয় করা খুবই কঠিন। বস্তুত বাইবেলের ইতিহাস বিষয়ক পুস্তকগুলিতে ব্যাপক বিকৃতি ঘটেছে এবং এবিষয়ে সমন্বয়ের চেষ্টা অবান্তর। বিকৃতি মেনে নেওয়াই উত্তম; কারণ তা অস্বীকার করার কোনো উপায় নেই এবং বাইবেলের বর্ণনাকারী ও লিপিকারগণ ইলহাম-প্রাপ্ত বা ঐশী প্রেরণা প্রাপ্ত ছিলেন না।

জিজ্ঞাসা- ৩৪

অহসিয় রাজার রাজ্যগ্রহণকালীন বয়স বর্ণনায় বৈপরীত্য কেন? দেখুন এব্যাপ্যারে বাইবেল কী বলে?

রাজাবলি দ্বিতীয় খণ্ডের ৮ম অধ্যায়ের ২৬ পদনিম্নরূপ: “অহসিয় বাইশ বৎসর বয়সে রাজত্ব করিতে আরম্ভ করেন এবং যিরূশালেমে এক বৎসরকাল রাজত্ব করেন।”

উভয় বর্ণনার মধ্যে মাত্র ২০ বৎসরের বৈপরীত্য! দ্বিতীয় তথ্যটি সন্দেহাতীতভাবে ভুল; কারণ, বংশাবলি দ্বিতীয় খণ্ডের ২১ অধ্যায়ের ২০ পদএবং ২২ অধ্যায়ের ১-২ পদে উল্লেখ করা হয়েছে যে, অহসিয়ের পিতা যিহোরাম ৪০ বৎসর বয়সে মৃত্যু বরণ করেন এবং তার মৃত্যুর পরপরই অহসিয় রাজ-সিংহাসনে বসেন। এখন যদি দ্বিতীয় তথ্যটি নির্ভুল হয় তাহলে প্রমাণিত হয় যে, অহসিয় তার পিতার চেয়েও দুই বছরের বড় ছিলেন! আর এ যে অসম্ভব তা বলার অপেক্ষা রাখে না। এজন্য আদম ক্লার্ক, হর্ন, হেনরি ও স্কট তাদের ব্যাখ্যা গ্রন্থসমূহে স্বীকার করেছেন যে, বাইবেল লেখকের ভুলের কারণে এ বৈপরীত্য দেখা দিয়েছে।

জিজ্ঞাসা- ৩৫

সুলাইমান আ.-এর অশ্বশালার সংখ্যা বর্ণনায় বৈপরীত্য কেন?

১ রজাবলির ৪র্থ অধ্যায়ের ২৬ পদটি নিম্নরূপ: “শলোমনের রথের নিমিত্তে চল্লিশ সহস্র অশ্বশালা ও বারো সহস্র অশ্বারোহী ছিল।”

এর বিপরীত ২ বংশাবলির ৯ম অধ্যায়ের ২৫ পদকটিতে আছে:
“শলোমনের চারি সহস্র অশ্বশালা দ্বাদশ সহস্র অশ্বারোহী ছিল।

এখানে উভয় বক্তব্যের মধ্যে বৈপরীত্য সুস্পষ্ট। প্রথম পদে দ্বিতীয় পদের চেয়ে ৩৬,০০০ বেশি অশ্বশালার কথা বলা হয়েছে।

বাইবেল ভাষ্যকার আদম ক্লার্ক বলেন: সংখ্যাটির উল্লেখের ক্ষেত্রে বিকৃতি ঘটেছে বলে স্বীকার করে নেওয়াই আমাদের জন্য উত্তম।

জিজ্ঞাসা- ৩৬

কুরআন নিজের সত্যতা সম্পর্কে যেমন চ্যালেঞ্জ করে, আপনাদের বাইবেল কি এমন চ্যালেঞ্জ করতে পারে? কুরআন যেমন নিঃসন্দেহের ঘোষণা দেয় আপনাদের বাইবেল কি এই ঘোষণা দেওয়ার ক্ষমতা রাখে?

দেখুন কুরআন কী বলে-

কুরআন আল্লাহ তাআলার পক্ষ থেকে এসেছে। এর মধ্যে কোনো সন্দেহ নেই। আল্লাহপাক বলেন, “এই কিতাবের মধ্যে কোনো সন্দেহ নেই।”²³

এবং চ্যালেঞ্জ ঘোষণা করেছেন।

“এতদসম্পর্কে যদি তোমাদের কোনো সন্দেহ থাকে যা আমি আমার বান্দার প্রতি অবতীর্ণ করেছি, তাহলে এর মতো একটি সূরা রচনা করে নিয়ে আস। তোমাদের সেসব সাহায্যকারীদেরকেও সাথে নাও-এক আল্লাহকে ছাড়া, যদি তোমরা সত্যবাদী হয়ে থাক।

২৪. আর যদি তা না পার -অবশ্যই তা তোমরা কখনও পারবে না, তাহলে সে দোজখের আগুন থেকে রক্ষা পাওয়ার চেষ্টা কর, যার জ্বালানি হবে মানুষ ও পাথর। যা প্রস্তুত করা হয়েছে কাফেরদের জন্য।²⁴

জিজ্ঞাসা- ৩৭

“নবী মদপান করে উলঙ্গ হয়ে থাকতেন এধরনের ভুল তথ্য ও আশীল বক্তব্য কি আল্লাহর কালাম হতে পারে?

“নবী মদপান করে উলঙ্গ হয়ে থাকা”²⁵ পরে নোহ কৃষিকর্মে প্রবৃত্ত হইয়া দ্রাক্ষাক্ষেত্র করিলেন। আর তিনি দ্রাক্ষারস পান করিয়া মত্ত হইলেন, এবং তাম্বুর মধ্যে বিবস্ত্র হইয়া পড়িলেন।

²³ সূরা আল বাক্বারাহ-২

²⁴ সূরা আল বাক্বারাহ-২৩-২৪

²⁵ আদিপুস্তক-৯:২০-২১

জিজ্ঞাসা- ৩৮

নিজ কন্যাদের সাথে ব্যভিচার করা এটা কি বাইবেলের শিক্ষা নয়? দেখুন বাইবেল কী বলে “নিজ কন্যাদের সাথে ব্যভিচার করা”²⁶

জিজ্ঞাসা- ৩৯

“পিতার স্ত্রীকে ধর্ষণ করা এটা কি বাইবেলের শিক্ষা নয়? যে গ্রন্থ এধরনের শিক্ষা দেয় তাকি আল্লাহর কালাম হতে পারে?

দেখুন বাইবেল কী বলে “পিতার স্ত্রীকে ধর্ষণ করা”²⁷

জিজ্ঞাসা - ৪০

নিজের বোনকে ধর্ষণ করা এটা কি বাইবেলের শিক্ষা নয়?

দেখুন বাইবেল কী বলে- “নিজের বোনকে ধর্ষণ করা”²⁸

জিজ্ঞাসা- ৪১

নিজের পুত্রবধুর সাথে ব্যভিচার করা কি বাইবেলের শিক্ষা নয়? দেখুন বাইবেল এ ব্যাপারে কী বলে- “নিজের পুত্রবধুর সাথে ব্যভিচার করা”²⁹

জিজ্ঞাসা-৪২

পূর্ববর্তী নবী রাসূলদের চোর-ডাকাত বলে অপবাদ দেয় কেন? দেখুন বাইবেল কী বলে- যোহন-১০:৭-৮ অতএব যীশু পুনর্বীর তাহাদিগকে কহিলেন, সত্য, সত্য, আমি তোমাদিগকে বলিতেছি, আমিই মেঘদের দ্বার। যাহারা আমার পূর্বে আসিয়াছিল, তাহারা সকলে চোর ও দস্যু, কিন্তু মেঘেরা তাহাদের রব শুনে নাই।

²⁶ আদিপুস্তক-১৯: ৩৩-৩৮

²⁷ আদিপুস্তক- ৩৫:২২, ২ শমুয়েল-১৬:২২

²⁸ ২ শমুয়েল -১৩:১১-১৪

²⁹ আদিপুস্তক- ৩৮:১৫-১৮, ২৭-৩০

প্রচলিত ইঞ্জিল সম্পর্কিত কিছু জিজ্ঞাসা

জিজ্ঞাসা- ৪৩

প্রচলিত ইঞ্জিল কি আল্লাহর কালাম ? ইঞ্জিল থেকে প্রমাণ দেখাতে পারবেন কি?


জিজ্ঞাসা-৪৪

বর্তমান ইঞ্জিল হলো বাইবেলের একটি অংশ, যা নতুন নিয়ম নামে পরিচিত। আমরা জানি বাইবেল নামে কোনো কিতাব আল্লাহ কোনো নবীর ওপর পাঠান নি। বাইবেল যেহেতু আল্লাহর কালাম নয়। তাহলে তারই একটি অংশ যেটাকে মুসলমানদের ধোঁকা দেয়ার জন্য নাম দিয়েছে ‘ইঞ্জিল’ সেটা আবার আল্লাহর কালাম হয় কীভাবে?

জিজ্ঞাসা-৪৫

খ্রিস্টানদের ধর্মীয় গ্রন্থে ইসলামী লোগো ব্যবহার করা কি প্রতারণা নয়? মুসলমানদের ধোঁকা দেয়া নয় কি? খ্রিস্টানদের ধর্মীয় লোগো হলো

† ক্রুশ এই ক্রুশ ব্যবহার না করে-করে ইসলামী লোগো। এর কারণ হলো মুসলমানদের ধোঁকা দিয়ে তাদের ঈমান হনন করা। মুসলমানদের তাদের ধর্মে দীক্ষিত করা। নিম্নে কিছু লোগো পেশ করছি-



জিজ্ঞাসা-৪৬

ইঞ্জিল শরীফ কাদের পরিভাষা? এই শব্দটি মুসলমানদের থেকে চুরি করা। কারণ বাইবেলে কোথাও এই শব্দটি নেই। বরং বাইবেলের পরিভাষা হল, নতুন নিয়ম ও পুরাতন নিয়ম। এটা আবার আল্লাহর কালাম হয় কীভাবে?

জিজ্ঞাসা-৪৭

ইঞ্জিল কোন ভাষা থেকে অনুবাদ করা হয়েছে? এটা কোথাও লেখা নেই। যার মূল সূত্র লেখা নেই সেটা আবার আল্লাহর কালাম হয় কীভাবে?

জিজ্ঞাসা- ৪৮

অনুবাদের সাথে মূল কিতাবের সংযোগ করেন নি কেন? মূল ইঞ্জিল যদি অনুবাদের সাথে যুক্ত থাকত তাহলে মানুষ বুঝতে পারত অনুবাদটি সঠিক না ভুল। করবেনই কীভাবে? আসল ইঞ্জিল তো আপনাদের কাছে নেই। পক্ষান্তরে কুরআন অনুবাদের সাথে মূল টেক্সট দেওয়া থাকে। আপনাদেরটায় থাকে না কেন?

জিজ্ঞাসা- ৪৯

প্রচলিত ইঞ্জিলের অনুবাদক কে?

ইঞ্জিলের শুরুতে লেখা আছে “বাংলা অনুবাদ”। লেখা নেই অনুবাদকের নাম ও তার পরিচয়। অনুবাদক কি ভালো মানুষ না খারাপ মানুষ? চোর না ডাকাত? কিছুই লেখা নেই। অনুবাদকের পরিচয় থাকলে বুঝা যায় অনুবাদটি সঠিক না ভুল। পক্ষান্তরে কুরআন শরীফের শুরুতে অনুবাদকের নাম ও তার পড়ালেখার ডিগ্রীসহ পরিচয় উল্লেখ করা হয়। যাতে মানুষ বুঝতে পারে অনুবাদকের জ্ঞান কতটুকু ও তার অনুবাদটি কেমন যা মূল্যায়ন করা যায়?

জিজ্ঞাসা-৫০

আল্লাহর কালামের কি সংস্করণের প্রয়োজন হয়?

আল্লাহর কালামের কোনো ধরনের সংস্করণের প্রয়োজন হয় না। কিন্তু ইঞ্জিলের প্রথম পৃষ্ঠার মাঝামাঝি স্থানে লেখা আছে ‘দ্বিতীয় সংস্করণ’। বুঝা গেল এর পূর্বেও খ্রিস্টানগণ এর সংস্করণ করেছে। প্রিয় পাঠক আপনিই বলুন সংস্করণ কাকে বলে, সংস্করণ বলা হয় কোনো একটি জিনিসকে নতুন করে ঢেলে সাজানো। যেমন একটি ঘর আগে টিনের ছিল, কিছুদিন পর এসে দেখলেন ঘরটি সংস্কার করে ইট দিয়ে বিল্ডিং করেছে। তাহলে আপনি ঘরের মালিককে বলবেন। ভাই! আপনার ঘর কবে সংস্করণ করলেন? যা আল্লাহর কালাম হবে তাতে কোনো ধরনের সংস্কারের প্রয়োজন হয় না। আর যেই কিতাবের সংস্কারের প্রয়োজন হয়, সেটা আল্লাহর কালাম হতে পারে না। উপরোক্ত আলোচনা দ্বারা বুঝতে পারলাম বর্তমান ইঞ্জিলের সংস্কার হওয়ার কারণে এটা আল্লাহর কালাম নয়। আমার জিজ্ঞাসা তাহলে আপনারা এই ইঞ্জিল মানেন কেন?

জিজ্ঞাসা- ৫১

আপনারা কি প্রভুর কথা মানেন?

যদি বলেন হ্যাঁ মানি। তাহলে আপনাদের ইঞ্জিল অনুযায়ী আমিও প্রভু।

ইঞ্জিলের ভূমিকাতে লেখা আছে ‘হযরত’ শব্দটির অর্থ প্রভু। আমার নামের শুরুতে লেখা হয় ‘হযরত’ মাওলানা মুফতি যুবায়ের আহমদ, ইঞ্জিল অনুযায়ী প্রথমে আমি প্রভু, এর পর অন্য কিছু। আর আমি প্রভু হয়ে বলছি, আপনাদের খ্রিস্টধর্ম ভুল ধর্ম। আপনারা খ্রিস্টবাদ ছেড়ে দিন ইসলাম গ্রহণ করুন।

জিজ্ঞাসা- ৫২

সিপারা কাদের পরিভাষা ?

আপনারা মুসলমান থেকে এই পরিভাষাটি চুরি করে এনেছেন। চুরি করতেও ভুল করেছেন। কারণ ইঞ্জিলের শুরুতেই লেখা আছে প্রথম সিপারা। এই সিপারা শব্দের অর্থ কি আপনারা জানেন? সিপারা হলো ফার্সি ভাষা। ‘সিহ’ শব্দের অর্থ ত্রিশ। আর ‘পারা’ শব্দের অর্থ হলো অংশ। অর্থাৎ ত্রিশতম অংশ। প্রথম সিপারা অর্থ হচ্ছে প্রথম ত্রিশতম অংশ। এটা হলো হাস্যকর একটি বিষয়। বাইবেলে তো এই অংশটি নেই। তাহলে এই সংযোগটি করলো কারা? কেন করলো? প্রিয় পাঠক! আপনারাই বলুন, আল্লাহর কালামে কি এ ধরনের সংযোজন থাকতে পারে? মানব কর্তৃক সংযোজন- বিয়োজন আল্লাহর কালাম হয় কীভাবে?

জিজ্ঞাসা- ৫৩

মথির সাথে ‘হযরত’ শব্দটি কে যোগ করলো? যদি বলেন আল্লাহ তাহলে বাইবেলে মথির সাথে হযরত শব্দটি নেই কেন? তাহলে কারা এই শব্দটি যোগ করলো? অবশ্যই খ্রিস্টানগণ। যে গ্রন্থে মানুষের কথা লিখা থাকে সেটা আবার আল্লাহর কালাম হয় কীভাবে?

জিজ্ঞাসা- ৫৪

এটা যদি আল্লাহর কলামই হতো তাহলে লেখার সময়কাল নিয়ে সন্দেহ কেন? কারণ প্রচলিত ইঞ্জিলের শুরুতেই লেখা আছে ‘লিখিবার সময় ৫০-৫৫ কিংবা ৬৬-৬৮ খ্রিস্টাব্দ, আল্লাহর কালাম হলে কিংবা আসে কেন? সন্দেহ দ্বারা তার শেষ হবে কীভাবে? বুঝা গেল প্রচলিত ইঞ্জিলের শুরুই সন্দেহ দ্বারা। পক্ষান্তরে কুরআন শুরুই করেছে সন্দেহ মুক্ত চ্যালেঞ্জ দ্বারা। আল্লাহ তাআলা বলেন “এই কিতাবে কোনো সন্দেহ নেই।” -বাক্বারা-২

প্রিয় পাঠক! আপনারা মানবেন কোন কিতাবকে? সন্দেহমুক্ত কিতাব না সন্দেহযুক্ত কিতাব? আসুন বিষয়টি নিয়ে একটু ভাবি। আল্লাহর কাছে দু’আ করি সঠিক পথে পরিচালনার জন্য। চিরস্থায়ী জাহান্নাম থেকে মুক্তির জন্য।

জিজ্ঞাসা- ৫৫

যীশুর ওপর যেই ইঞ্জিল অবতীর্ণ হয়েছিল সেই ইঞ্জিল কোথায় ?

জিজ্ঞাসা-৫৬

যীশু জীবিত থাকা অবস্থায় ইঞ্জিল লেখা হলো না। তাকে আকাশে উঠিয়ে নেওয়ার ৫০-৬০ বছর পর কেউ তার জীবনী লিখেছে সেটা আবার ইঞ্জিল হয় কীভাবে?

জিজ্ঞাসা- ৫৭

আপনাদের ইঞ্জিল কয়টি?

আমার কাছে ৩টি ইঞ্জিল আছে। একটি অন্যটির সাথে কোনো মিল নেই। সূচিপত্রে একটি ইঞ্জিলের অধ্যায় আছে ৫টি। অন্য একটি ইঞ্জিলের অধ্যায় আছে ২৭টি। একটি অপরটির সাথে না আছে কোনো বিষয়বস্তুর মিল, না আছে লেখার মিল। এমন কেন? আল্লাহর কালাম হলে কি এতো অমিল থাকতো? পক্ষান্তরে পুরো পৃথিবীতে যত কুরআন আছে সবগুলো এক। একটি অক্ষরেরও পরিবর্তন নেই।

জিজ্ঞাসা- ৫৮

পুরো পৃথিবীতে বাইবেলের কি কোনো হাফেজ আছে?

আমি চ্যালেঞ্জ করে বলতে পারি, বিশ্বজুড়ে বাইবেলের একটি মুখস্তকারীও দেখাতে পারবেন না। পক্ষান্তরে লক্ষ লক্ষ হাফেজ পাওয়া যাবে যারা এক সাথে পুরো কুরআন মুখস্ত শুনিয়ে দিবে। এমনকি ছোট ছোট শিশুরাও তা সুন্দর করে মুখস্ত শুনিয়ে দিবে। আপনাদের এই প্রচলিত ইঞ্জিল যেহেতু আল্লাহর কালাম নয়, তাই পৃথিবীতে এই গ্রন্থের মুখস্তকারীও কেউ নেই।

কিতাবুল মুকাদ্দাস সম্পর্কিত কিছু জিজ্ঞাসা

জিজ্ঞাসা- ৫৯

কিতাবুল মুকাদ্দাস এটা কি?

জিজ্ঞাসা- ৬০

কিতাবুল মুকাদ্দাস নামে কোনো কিতাব আল্লাহ তাআলা কোনো নবীর ওপর পাঠিয়েছেন কি?

জিজ্ঞাসা- ৬১

কিতাবুল মুকাদ্দাসতো খ্রিস্টানদের বই। তাহলে মুসলমানদের লোগো ব্যবহার করেছেন কেন?

জিজ্ঞাসা- ৬২

কিতাবুল মুকাদ্দাসে লেখা আছে তৌরাত শরীফ, জবুর শরীফ, নবীদের কিতাব, ইঞ্জিল শরীফ, আমার জিজ্ঞাসা হলো তাহলে কুরআন শরীফ কোথায়?

জিজ্ঞাসা- ৬৩

খ্রিস্টানভায়েরা বলেন, কিতাবুল মুকাদ্দাস হলো বাইবেলের অনুবাদ। বাইবেল অর্থ সমষ্টি। আর আরবী অনুবাদ হলো “মাজমুআ”। তাহলে কিতাবুল মুকাদ্দাস কেন? কিতাবুল মুকাদ্দাস অর্থ হলো পবিত্র গ্রন্থ, হওয়ার দরকার ছিল। “মাজমুআ” এমন ভুল কেন?

জিজ্ঞাসা- ৬৪

মুসলমানদের প্রতারণার জন্য এমন ধোঁকা ও ভুল অনুবাদ দিয়ে প্রচার করতে হয় কেন?

জিজ্ঞাসা- ৬৫

কিতাবুল মুকাদ্দাসে হাজার হাজার ভুল কেন?

জিজ্ঞাসা- ৬৬

কিতাবুল মুকাদ্দাসে স্ববিরোধ কেন?

জিজ্ঞাসা- ৬৭

কিতাবুল মুকাদ্দাস কোন ভাষার বাইবেল থেকে অনুবাদ করা হয়েছে?

জিজ্ঞাসা- ৬৮

কিতাবুল মুকাদ্দাস কবে আবিষ্কার হয়েছে?

জিজ্ঞাসা- ৬৯

কিতাবুল মুকাদ্দাস খ্রিস্টানদের ধর্মীয় গ্রন্থ। মুসলিম পরিভাষা ব্যবহার করা

হয়েছে কেন?

জিজ্ঞাসা- ৭০

আপনাদের বাইবেলের নিজস্ব কোনো শক্তি নেই। তাই আপনারা অন্যদের পরিভাষা ব্যবহার করে নিজেদের ধর্মের প্রচার করতে হয় কেন?

জিজ্ঞাসা- ৭১

বাইবেলের আরবী অনুবাদের নাম ‘কিতাবুল হায়াত’ দিয়েছেন কেন?

জিজ্ঞাসা- ৭২

আরবী কিতাবুল মুকাদ্দাসে তৌরাত শরীফ, ইঞ্জিল শরীফ, জবুর শরীফ নবীদের কিতাব লেখা নেই। বাংলাটায় সংযোগ হলো কোথা থেকে?

জিজ্ঞাসা- ৭৩

আপনারা কোন কিতাব মানেন?

বাইবেল না কিতাবুল মুকাদ্দাস? যদি বলেন উভয়টা তাহলে এটা কীভাবে সম্ভব? একটি অপরটির সাথে কোনো মিল নেই।

খ্রিস্টানদের বিশ্বাস সম্পর্কে কিছু জিজ্ঞাসা

জিজ্ঞাসা- ৭৪

আপনারা বলেন আদম গুনাহগার ছিলেন। তার সন্তানগণও গুনাহগার। এই গুনাহ থেকে মুক্তির জন্য যীশু এসেছেন। কিন্তু বাইবেল বলে একজনের পাপ অন্য জন মুক্তি দিতে পারবে না। আপনারা বাইবেলবিরোধী বিশ্বাস করেন কেন? দেখুন বাইবেল কী বলে।

“যে পাপ করিবে সে মরিবে। পিতার পাপ পুত্র বহন করিবে না, পুত্রের পাপ পিতা বহন করিবে না।”³⁰

জিজ্ঞাসা- ৭৫

যীশু সকল বিশ্বাসীদের পাপ ক্ষমা করবেন এর প্রমাণ আছে কি?

জিজ্ঞাসা- ৭৬

যারা যীশুর ওপর বিশ্বাস আনবে তারা পাপ থেকে মুক্তি পাবে, প্রশ্ন হলো তবে যারা যীশুর আগে মৃত্যুবরণ করেছেন তাদের মুক্তির কী হবে?

জিজ্ঞাসা- ৭৭

পিতা-পুত্র পবিত্র আত্মা, এই তিনজন মিলে একজন। একজনই আবার তিনজন এ কথা কি বাইবেলে আছে?

জিজ্ঞাসা- ৭৮

ঈসা আ. বলেছেন আল্লাহ একজন। আপনারা তিনজন বলেন কেন?

দেখুন বাইবেল কী বলে - "অধ্যাপক তাহাকে কহিল, বেশ, গুরু আপনি সত্য বলিয়াছেন যে, তিনি এক এবং তিনি ব্যতীত অন্য নাই।"³¹

খ্রিস্টানদের ধর্ম সম্পর্কে আমাদের জিজ্ঞাসা

জিজ্ঞাসা - ৭৯

আপনাদের ধর্ম যে সঠিক, বাইবেল থেকে এর প্রমাণ দিতে পারবেন কি? পারবেন না। কারণ বাইবেলের কোথাও এই প্রশ্নের উত্তর নেই।

পক্ষান্তরে ইসলাম ধর্ম সঠিক। আল্লাহর নিকট একমাত্র মনোনীত ধর্ম। ইসলাম ছাড়া অন্য কোনো ধর্ম আল্লাহর নিকট গ্রহণযোগ্য নয়। কুরআনেই এর প্রমাণ পাওয়া যায়।

কুরআন কারীমে আল্লাহ তাআলা বলেন-

“নিঃসন্দেহে আল্লাহর নিকট গ্রহণযোগ্য ধর্ম একমাত্র ইসলাম। এবং যাদের প্রতি কিতাব দেয়া হয়েছে তাদের নিকট প্রকৃত জ্ঞান আসার পরও ওরা মতবিরোধে লিপ্ত হয়েছে, শুধু পরস্পর বিদ্বেষবশতঃ যারা আল্লাহর নিদর্শন সমূহের প্রতি কুফরী করে তাদের জানা উচিত যে, নিশ্চিতরূপে আল্লাহ হিসাব গ্রহণে অত্যন্ত দ্রুত।”³²

আল্লাহ তাআলা অন্যত্র বলেন-

“যে লোক ইসলাম ছাড়া অন্য কোন ধর্ম তালাশ করে, কস্মিনকালেও তা গ্রহণ করা হবে না এবং আখেরাতে সে হবে ক্ষতিগ্রস্ত।”³³

আল্লাহর নিকট ইসলাম হলো একমাত্র মনোনীতধর্ম। আপনাকে মুসলমান হওয়ার দাওয়াত দিচ্ছি। ইসলাম গ্রহণ করুন। কারণ ইসলাম ছাড়া আর কোনো ধর্ম আল্লাহর নিকট গ্রহণযোগ্য নয়।

জিজ্ঞাসা - ৮০

বলুন তো আপনারা কি নিজ ধর্মীয় বিধি বিধানগুলো মানেন? যদি বলেন হ্যাঁ, মানি। তাহলে বলবো আপনাদের বিধান অনুযায়ী কুফর- শিরক ও ব্যভিচারের শাস্তি হলো মৃত্যুদণ্ড। এই শাস্তিগুলো প্রয়োগ করেন না কেন? চলুন দেখি বাইবেল এব্যাপারে কী বলে?

বাইবেলে কুফর-শিরক এর শাস্তি মৃত্যুদণ্ড

ঐদিন কোনো ব্যক্তি, পরুষ, নারী, ছোট-বড়, যে কেউ কোনো মূর্তি, প্রতিমা, ছবি প্রতিকৃতি প্রতিষ্ঠা করে, শিরক করে বা শিরকের প্রচারণা করে বা প্ররোচনা দেয়, তাহলে তাকে পাথরের আঘাতে হত্যা করতে হবে। এমনকি যদি কোনো নবীও অনেক মুজেরা দেখানোর পর কোনোভাবে শিরকের প্ররোচনা দেন, তাহলে তাকেও পাথরের আঘাতে হত্যা করতে হবে। যদি কোনো জনপদবাসী শিরকে পতিত হয়, তাহলে সে গ্রামের বা নগরের সকলকে অবশ্যই হত্যা করতে হবে এবং সে গ্রামের পশু-পক্ষীও হত্যা করতে হবে। গ্রামের সকল সম্পদ ও দ্রব্যাদি পুড়িয়ে ফেলতে হবে। এক্ষেত্রে তওবার কোনো সুযোগ নেই।³⁴

ব্যভিচারের একমাত্র শাস্তি মৃত্যুদণ্ড 35

এমনকি পরনারীর প্রতি দৃষ্টিপাতকে ঈসা মসীহ ব্যভিচার বলে গণ্য করেছেন এবং উক্ত ব্যক্তিকে তার চোখ তুলে ফেলে দিতে বলেছেন, তিনি বলেন “যে কেহ কোনো স্ত্রীলোকের প্রতি কামভাবে দৃষ্টিপাত করে, সে তখনই মনে মনে তাহার সহিত ব্যভিচার করিল। আর তোমার দক্ষিণ চক্ষু যদি তার বিয়্য জন্মায় তবে তাহা উপড়াইয়া দূরে ফেলে দাও, কেননা সমস্ত শরীর নরকে নিক্ষিপ্ত হওয়া অপেক্ষা বরং একটি অঙ্গের নাশ হওয়া তোমার পক্ষে ভাল।”³⁶

এবার আমি খ্রিস্টানভাইদের জিজ্ঞেস করতে চাই। ভাই! আপনারা খ্রিস্টানগণ আপনাদের ব্যক্তি, দেশ ও রাষ্ট্রগুলিতে তাওরাত ইঞ্জিলের বিধি-বিধান প্রতিষ্ঠা করছেন না কেন?

আপনাদের কিতাবের নির্দেশ অনুযায়ী শিরক, ব্যভিচার ইত্যাদি পাপের শাস্তি প্রতিষ্ঠা করছেন না কেন?

সকল খ্রিস্টান চার্চে ঈসা মসীহ, তার মাতা মরিয়ম ও অন্যান্য অগণিত মানুষের প্রতিমা বিদ্যমান। এগুলো ধ্বংস করছেন না কেন?

৩১. মার্ক- ১২: ৩২

৩২ - আলে-ইমরান-১৯

৩৩ - আলে-ইমরান-৮৫

৩৪ যাত্রাপুস্তক- ২২ঃ২০, ৩২ঃ২৮। ২য় বিবরণ- ১৩ঃ১-১৬, ১৭ঃ২-৭। ১রাজাবলি- ১৮ঃ৪০।

৩৫ লেবীয়- ২০ঃ১০-১৭।

৩৬ মথি- ৫ঃ২৮-২৯।

যারা এগুলিকে বানিয়েছে, এগুলোতে ভক্তি বা মান্নত-উৎসর্গ করছে বা উৎসাহ দিচ্ছে তাদের সকলকে মৃত্যুদণ্ড প্রদান করছেন না কেন?

জিজ্ঞাসা- ৮১

আপনাদের ধর্ম কি বিশ্বজনীন? যদি বলেন হ্যাঁ, তাহলে বাইবেল থেকে কি এর প্রমাণ দেখাতে পারবেন? আশা করি পারবেন না। কারণ এর সঠিক উত্তর বাইবেলে কোথাও নেই।

পক্ষান্তরে কুরআন ও বাইবেল পড়ে আমরা জানতে পারি খ্রিস্টধর্ম হলো শুধু নির্দিষ্ট একটি জাতির জন্য। আপনাদের ধর্মীয় গ্রন্থ বাইবেলে আছে, যে, যীশু শুধু বনী ইস্রাইল/ইহুদীদের নিকট প্রেরিত হয়েছেন। যেমন যীশু বলেন- “আমাকে শুধু বনী ইস্রায়েলের হারানো মেসদের নিকট পাঠানো হয়েছে।”³⁷

আরো বলা হয়েছে- তোমরা অইহুদীর নিকট যেয়ো না। বরং ইস্রায়েল জাতির হারানো ভেড়াদের কাছে যেয়ো।³⁸ এই ধর্ম মানতে হলে আপনাকে ইসরাঈলে যেতে হবে। কারণ সেখানে বনী ইসরাঈলের লোকজন থাকে। এর কোনো সঠিক উত্তর আপনাদের কাছে আছে কি?

জিজ্ঞাসা- ৮২

খ্রিস্টানভাইদের প্রতি জিজ্ঞাসা- আপনারা মিথ্যার মাধ্যমে ধর্মপ্রচার করাকে পুণ্যকর্ম বলে মনে করেন কেন? একজন শিশুও জানে মিথ্যা খারাপ জিনিস। ধর্মের মধ্যে খারাপ জিনিসটি ব্যবহার করেন কেন? দেখুন আপনাদের পৌল কী বলে?

প্রচলিত খ্রিস্টধর্মের প্রতিষ্ঠাতা সাধু পৌল বলেন- “আমার মিথ্যায় যদি ঈশ্বরের সত্য তাঁহার গৌরব উপচিয়া পড়ে তবে আমিও বা এখন পাপী বলিয়া আর বিচারিত হইতেছি কেন?”³⁹ ফলে তারা ধর্ম প্রচারে মিথ্যাচার ও প্রতারণাকে মূলনীতিতে পরিণত করেছে।

জিজ্ঞাসা- ৮৩

আপনাদের ধর্ম অশান্তি শিক্ষা দেয় কেন? সারা পৃথিবীতে খ্রিস্টানরা জঙ্গীবাদী ও সন্ত্রাস করছে এই শিক্ষা কোথা থেকে পেল? অবশ্যই আপনাদের ধর্মীয় গ্রন্থ শিক্ষা দেয়। নিম্নে আপনাদের বাইবেল থেকে উদ্ধৃতি দিচ্ছি।

কী ভয়ঙ্কর মিথ্যা! যে ধর্মের পোপ-পাদরীগণ বিগত প্রায় ২ হাজার বছর ধরে ধর্মের নামে কয়েক কোটি মানুষকে জেলে দিয়ে, জবাই করে বা জীবন্ত

³⁷মথি ১৫ঃ ২৪ ।

২৯-মথি ১০:০৫ ।

৩০রোমীয় ৩ঃ৭

আগুনে পুড়িয়ে হত্যা করেছে। তারা তাদের ধর্মকে শান্তির ধর্ম বলে দাবি করেন! যীশু বলেন: “পরন্তু আমার এই যে শত্রুগণ ইচ্ছা করে নাই যে, আমি তাদের ওপরে রাজত্ব করি, তাহাদিগকে এই স্থানে আন, আর আমার সাক্ষাতে বধ কর।”⁴⁰

কী ভয়ঙ্কর কথা! নবী-রাসুল তো দূরের কথা কোনো জালিম শাসক কি এরূপ নির্দেশ দিতে পারে? কেউ হয়ত বলতে পারেন, যুদ্ধের ময়দানে শত্রুদের হত্যা করা। কোনো জালিম হয়ত বলতে পারে, আমার রাজত্বের বিরুদ্ধে যারা ষড়যন্ত্র করে তাদেরকে হত্যা কর। কিন্তু শুধু তার রাজত্ব অপছন্দ করে বলে নিরস্ত্র মানুষদের ধরে এনে জবাই করা!! তাও আবার নিজের সামনে! জবাই-এর সময় কীভাবে মানুষ ছটফট করে তা দেখার জন্য? মানুষের রক্ত দেখে মন ঠাণ্ডা করার জন্য? এরূপ ভয়ঙ্কর নির্দেশ কি কোনো নবী প্রদান করতে পারেন?

কিতাবুল মুকাদ্দাসের বিভিন্ন স্থানে যুদ্ধবন্দী, নিরস্ত্র নারী, পরুষ, শিশু ও অবলা প্রাণী নির্বিচারে হত্যা করতে, বিধর্মীদের উপাসনালয় ভেঙ্গে ফেলতে, সরলপ্রাণ বিধর্মীদের খানাপিনার দাওয়াত দিয়ে তাদের হত্যা করতে, নিরস্ত্র বন্দীদের জবাই করার বা পুড়িয়ে মারার ব্যবস্থার কথা বলা হয়েছে।

এ সকল ‘পবিত্র’ নির্দেশের ভিত্তিতেই যুগে যুগে খ্রিস্টান পাদ্রী ও পোপগণ লক্ষকোটি মানুষকে ধর্মের নামে হত্যা করেছেন। লক্ষকোটি নিরপরাধ বিজ্ঞানী, গবেষক, সাহিত্যিক, ধর্মীয় ভিন্নমতাবলম্বী ও অন্যধর্মাবলম্বী মানুষকে হত্যা, জীবন্ত অগ্নিদগ্ধ করা, কারাগারে আবদ্ধ রাখা, নির্মম অত্যাচার করা বা জোরপূর্বক ধর্মান্তর করা খ্রিস্টান পাদ্রী-পোপ ও শাসকদের অতি পরিচিত ইতিহাস।

এ কথা সত্য যে, মুসলিমগণ অনেক সময় ইসলামের শিক্ষা না বুঝে বা বিকৃত করে হানাহানিতে লিপ্ত হন। তবে খ্রিস্টানগণ যে ধরনের হানাহানি ও ধ্বংসযজ্ঞে লিপ্ত হয়েছেন সে তুলনায় মুসলিমদের হানাহানি কিছুই নয়। বিভিন্ন মুসলিম দেশে খ্রিস্টানরা অন্যায়ভাবে আক্রমণ করেছে। ফিলিস্তিনের শিশু নারীদের উপর নির্মম নির্যাতন এসব কী? কারা হানাহানি করছে? আফগানিস্তানে নির্মমভাবে নিরপরাধ মানুষকে ধরে ধরে মারছে। শিশুদের এতিম করছে। মাদের বিধবা বানিয়েছে। পিতাকে সন্তান হারা করছে। একটি শান্তিগামী দেশকে বোমা মেরে তামা বানিয়ে দিয়েছে। এরা কারা? আমেরিকার প্রেসিডেন্ট বুশ, ওবামা কোন ধর্মের? ইরাকে অন্যায়ভাবে হামলা করল কারা?

ইরানের উপর হামলা করল কোন ধর্মের লোকেরা? এখনো বিভিন্ন দেশে অন্যায়ভাবে আক্রমণ করছে কারা? বুশ, ওবামা শপথের সময় কোন ধর্মের গ্রন্থের ওপর হাত রেখে রাষ্ট্রীয় শপথ গ্রহণ করে? বাইবেলের ওপর শপথ নিয়ে ধর্মের জন্যই মানুষ হত্যা করেছে। এটা কোন ধর্মের শিক্ষা? অবশ্যই বলতে হবে খ্রিস্টধর্মের শিক্ষা। নিজেরা বিশ্বজুড়ে অশান্তির আগুণ জ্বালাচ্ছেন। আর মুখে বুলি আওড়াচ্ছেন আমরা শান্তি প্রতিষ্ঠা করছি। দাবি করছেন শান্তির ধর্ম। মুসলমানেরা অন্যায়ভাবে কোনো দেশের উপর আক্রমণ করেছে এমন একটি প্রমাণও দেখাতে পারবেন না। যখন ইসলামী খেলাফত ছিল, সকল ধর্মের লোকেরা শান্তিতে ছিল। খ্রিস্টধর্মের লোকেরাই এই শান্তি সহ্য করতে পারেনি। তারা কলহ সৃষ্টি করেছে। বিভিন্ন দেশে বিভক্ত করেছে। সারা বিশ্বে অশান্তির আগুণ জ্বালিয়েছে। এই আগুণ নিভানো সম্ভব একমাত্র ইসলামের ওপর চলার মাধ্যমেই। তাই আমি আপনাদের ইসলামের সুশীতল ছায়ায় আশ্রয় নেয়ার জন্য দাওয়াত দিচ্ছি। আপনি মুসলমান হয়ে যান। জাহান্নামের চিরস্থায়ী আগুণ থেকে বেঁচে যাবেন। হে আল্লাহ! আপনার এই গাফেল বান্দাদের হেদায়াত দান করুন। তাদেরকে আপনার জাহান্নামের আগুণ থেকে বাঁচান। হে আল্লাহ! আপনি অন্তর্যামী সকল অমুসলিমদের অন্তরকে খুলে দিন ইসলাম কবুল করার জন্য। আমিন।

জিজ্ঞাসা- ৮৪

খ্রিস্টধর্মের পরিত্রাণ কি বিশ্বজনীন না নির্দিষ্ট জাতির জন্য ?

প্রশ্ন উদয় হয় খ্রিস্টধর্মের পরিত্রাণ কি বিশ্বজনীন? অন্য কথায় যীশু কি সমগ্র মানব জাতির জন্য প্রেরিত? না তিনি শুধু বনী ইস্রায়েলদের হারানো ভেড়াদের জন্য। দেখুন বাইবেল কী বলে।

যীশু হলেন ইস্রায়েল বংশের লোকদের নবী। আমাদের বাংলাদেশীদের নবী নন। কারণ যীশু নিজেই বলেছেন, “আমি ইস্রায়েল বংশের নবী”। দেখুন মথি লিখিত সুসমাচারের ১৫:২৪ নং পদে লেখা আছে “উত্তরে যীশু বললেন, আমাকে কেবল ইস্রায়েল বংশের হারানো মেঘদের কাছেই পাঠানো হয়েছে।”^{৪১}

আবার মথি লিখিত সুসমাচারের ১০:৫ নং পদে লেখা আছে, “যীশু সেই বারোজনকে এই সব আদেশ দিয়ে পাঠালেন, “তোমরা অইহুদীদের কাছে বা শমরীয়দের কোনো গ্রামে যেয়োনা, বরং ইস্রায়েল জাতির হারানো মেঘদের কাছে যেয়ো।”^{৪২}

বাইবেলের এই আলোচনা দ্বারা আমরা বুঝতে পারলাম, যীশু হলেন শুধু ইস্রায়েল বংশের নবী। ইস্রায়েল ছাড়া অন্য কোনো জাতির নবী নন। কুরআনও তাই বলে, আল্লাহ তাআলা বলেন “স্মরণ কর যখন মারইয়াম-তনয় যীশু বললেন, হে বনী ইস্রায়েল! আমি তোমাদের কাছে আল্লাহর প্রেরিত রাসূল। আমার পূর্ববর্তী তাওরাতের আমি সত্যায়নকারী এবং আমি এমন একজন রাসূলের সুসংবাদদাতা, যিনি আমার পরে আগমন করবেন। তাঁর নাম আহমদ।”^{৪৩} (উল্লেখ্য, হযরত মুহাম্মদ ﷺ এর নাম ছিল আহমদ।)

যুক্তির দাবিও হলো যীশু আমাদের নবী নন। যেমন আমাদের বর্তমান প্রধানমন্ত্রী হলেন শেখ হাসিনা। তার পূর্বে প্রধানমন্ত্রী ছিলেন খালেদা জিয়া। প্রশ্ন হলো, এখন আমরা কাকে প্রধানমন্ত্রী মানবো? অবশ্যই শেখ হাসিনাকে। কারণ তিনি হলেন বর্তমান প্রধানমন্ত্রী। তবে খালেদা জিয়াকে সম্মান করবো। ঠিক তেমনিভাবে যীশু হলেন পূর্ববর্তী নবী। তাকে আমরা সম্মান করবো; কিন্তু মানবো বর্তমান নবী হযরত মুহাম্মদ সাল্লাল্লাহু আলাইহি ওয়া সাল্লামকে। কারণ তিনি হলেন বর্তমান নবী।

একথা বললে আমার খ্রিস্টানভাইয়েরা মথির ২৮:১৯ নং পদ থেকে একটি উদ্ধৃতি দিয়ে থাকেন যে, “তোমরা গিয়ে সমস্ত জাতির লোকদেরকে আমার উম্মত কর।”^{৪৪}

কিন্তু এই উক্তিটি হযরত ঈসা আ. এর কথা না। সম্ভবত সেন্ট পৌলের কোনো শিষ্য এটা জুড়ে দিয়েছেন। কারণ-

ক. এতে ঈসার আ. বক্তব্য স্ববিরোধী হওয়া অনিবার্য হয়ে পড়ে। বিশেষ করে প্রথমত; বক্তব্য তাঁর জীবদ্দশায় নব্যুত্থানী কার্যক্রম পরিচালনা করার সময়ের, আর শেষ বক্তব্যটি কথিত কবর থেকে উঠে শিষ্যদের সঙ্গে দেখা করার সময়ের। যতদিন তিনি জীবিত ছিলেন এবং ধর্ম প্রচার করেছেন তখন বলেছেন, আমি কেবল ইস্রায়েল বংশের মেঘদের (লোকদের) নিকটেই প্রেরিত হয়েছি, তোমরা অ-ইহুদীদের বা শমরীয়দের কোনো গ্রামে যেওনা, বরং ইস্রায়েল বংশের লোকদের নিকটে যেও, আর মৃত্যুর পর তিনি বলবেন “তোমরা সকলকে আমার উম্মত কর” এটা বিশ্বাসযোগ্য হতে পারে না।

খ. ঈসা আ. দুনিয়া থেকে চলে যাওয়ার পর তাঁর প্রধান শিষ্য সেন্ট পিটার (পিতর) অনেক লোকের সামনে বলেছিলেন, আপনারা তো জানেন যে,

একজন ইহুদীর পক্ষে একজন অ-ইহুদীর সংগে মেলামেশা করা বা তার সংগে দেখা করা আমাদের শরীয়তের বিরুদ্ধে।⁴⁵

যীশু যদি সত্যিই সকলকে শিষ্য করার নির্দেশ দিয়ে থাকেন, তবে তাঁর প্রধান শিষ্য এমন কথা বলবেন, তা কি চিন্তা করা যায়?

গ. সেন্ট পিতর নিজেও লিখেছেন, ইহুদীদের নিকট সুখবর প্রচার করার ভার যেমন পিতরের ওপর দেওয়া হয়েছিল, তেমনই অ-ইহুদীদের নিকট সুখবর প্রচার করার ভার খোদা আমার ওপর দিয়েছেন।⁴⁶

যীশু ঐদিন বাস্তবেই শিষ্যদেরকে সকলের নিকট খ্রিস্টধর্মের দাওয়াত পৌঁছানোর আদেশ দিয়ে থাকেন, তবে পৌল কেন বলছে, ইহুদীদের নিকট সুখবর প্রচার করার ভার পিতরকে দেওয়া হয়েছিল?

ঘ. ইঞ্জিলের ইব্রানী নামক পত্রে আছে, প্রভু বলেন, দেখ! সময় আসিতেছে যখন আমি ইস্রায়েল ও এহুদার লোকদের জন্য একটা নতুন ব্যবস্থা স্থাপন করিব। উক্ত পত্রে একই অধ্যায়ে ১০ নং পদে বলা হয়েছে, প্রভু আরও বলেন, সেই সময়ের পরে ইস্রায়েলীয়দের জন্য আমি এই ব্যবস্থা স্থাপন করিব।

এসব থেকে স্পষ্ট প্রতীয়মান হয় যে, পুরাতন ও নতুন নিয়ম উভয়টাই কেবল ইহুদীদের জন্য ছিল। সুতরাং নতুন নিয়ম নিয়ে আগমনকারী হযরত ঈসা আ.ও কেবল তাদেরই নবী ছিলেন, অন্যদের নয়।

ঙ. যীশু যে ঐ কথা বলেননি তার আরেকটি প্রমাণ হলো, তিনি তার শিষ্যদের একথাও বলেছিলেন যে, আমি তোমাদের সত্যিই বলছি ইস্রায়েল দেশের সমস্ত গ্রামে তোমাদের যাওয়া শেষ হওয়ার আগেই মনুষ্যপুত্র আসবেন।⁴⁷

সুতরাং ইহুদীদের নিকট দাওয়াত পৌঁছানো শেষ হওয়ার আগেই যেহেতু তার পুনরাগমন ঘটবে, তাই তিনি অ-ইহুদীদের নিকট দাওয়াত পৌঁছানোর আদেশ দিবেন কোন যুক্তিতে?

চ. তিনি যদি ঐ কথা বলে থাকেন, তবে লূক ও ইউহান্নার পক্ষে এমন গুরুত্বপূর্ণ একটি আদেশ উল্লেখ না করার কোনো কারণ থাকতে পারে না।

জিজ্ঞাসা- ৮৫

বাইবেল অনুযায়ী সকল মানুষ ঈশ্বরের পুত্র তাহলে শুধু যীশুকে শুধু ঈশ্বরের পুত্র বলা হয় কেন? দেখুন বাইবেল কী বলে-

আদি পুস্তক (৬:২-৪)-তখন ঈশ্বরের পুত্রেরা মনুষ্যদের কন্যাগণকে সুন্দরী দেখিয়া যাহার যাহাকে ইচ্ছা, যাত্রা পুস্তক (৪:২২)- আর তুমি ফরৌণকে কহিবে, সদাপ্রভু এই কথা কহেন, ইস্রায়েল আমার পুত্র, আমার প্রথমজাত।

মথি (৫:৯, ৪৪-৪৫)- ধন্য যাহারা মিলন করিয়া দেয়, কারণ তাহারা ঈশ্বরের পুত্র বলিয়া আখ্যাত হইবে।

যোহন (৮:৪১-৪৪)- তোমাদের পিতার কার্য তোমরা করিতেছ। তাহারা তাহাকে কহিল, আমরা ব্যভিচারজাত নহি; আমাদের একমাত্র পিতা আছেন, তিনি ঈশ্বর।

যোহনের পত্র (৩:৯-১০, ৪:৭, ৫:১-২)- যে কেহ ঈশ্বর হইতে জাত, সে পাপাচরণ করে না,

বাইবেলে, মথি (২৩:৯-১০)- নং এ আছে "আর পৃথিবীতে কাহাকেও পিতা বলে সম্বোধন করিও না, কারণ তোমাদের পিতা একজন, তিনি সেই স্বর্গীয়। তোমারা আচার্য বলিয়া সম্বাসিত হইও না, কারণ তোমাদের আচার্য একজন, তিনি খ্রিস্ট"।

যোহন (১:১৮, ৩:১৬, ৩:১৮)- ঈশ্বরকে কেহ কখনও দেখে নাই

বাইবেলে ঈশ্বর বলেন: যাত্রাপুস্তক (৪:২২)- ইস্রায়েল আমার পুত্র, আমার পুত্র অন্যত্র ইয়াকুব আ:-এর পৌত্র ইউসুফ আ: এর দ্বিতীয় পুত্র

ইব্রাহিমকে আল্লাহর প্রথম পুত্র হিসাবে ঘোষণা দেওয়া হয়েছে: (যিরমিয় ৩১:৯)- "যেহেতু আমি ইস্রায়েলের পিতা এবং ইব্রাহিম আমার প্রথমজাত পুত্র"।

"দায়ুদ নবীকে ঈশ্বর বলেন" গীতসংহিতা (২:৭)"তুমি আমার পুত্র, অদ্য আমি তোমাকে জন্ম দিয়াছি"।

জিজ্ঞাসা- ৮৬

প্রতিমা পূজাকারী অভিশাপগ্রস্ত তাহলে খ্রিস্টানরা গির্জায় প্রতিমাকে সেজদা করে কেন? দেখুন বাইবেল কী বলে?

"যে ব্যক্তি কোনো ক্ষোদিত বা ছাঁচে ঢালা প্রতিমা, সদা প্রভুর ঘৃণিত বস্তু, শিল্প কারের হস্ত নির্মিত বস্তু নির্মাণ করিয়া গোপনে স্থাপন করে সে শাপগ্রস্ত। তখন সমস্ত লোক উত্তর করিয়া বলিবে: আমেন।" দ্বিতীয় বিবরণ: -২৭:১৫, প্রকাশিত বাক্য -২১:৮

জিজ্ঞাসা-৮৭

ধনী খ্রিস্টানরা কি জান্নাতে যেতে পারবে? দেখুন বাইবেল কী বলে?

“এ ধর্মের বিধানে কোনো ধনী বা বড় লোক জান্নাতে প্রবেশ করতে পারবে না”: যীশুর একথা কতটুকু সত্য?

মথি (১৯:২৩-২৪) তখন যীশু আপন শিষ্যদিগকে কহিলেন, আমি তোমাদের সত্য কহিতেছি, ধনবানের স্বর্গ রাজ্যে প্রবেশ করা দুষ্কর, আবার তোমাদিগকে কহিতেছি, ঈশ্বরের রাজ্যে ধনবানের প্রবেশ করা অপেক্ষা বরং সূচের ছিদ্র দিয়া উটের যাওয়া সহজ ”।

জিজ্ঞাসা-৮৮

খ্রিস্টধর্ম মানবতাবিরোধী কেন?

০২. এখানে যীশুর এই কথা দ্বারা নারী জাতির স্বাধীনতাকে ভুলুষ্ঠিত করা হয়েছে এবং কন্যা সন্তানদের ওপর পরুষের জোর কর্তৃত্বের বহিঃপ্রকাশ ঘটেছে। অন্য দিকে কন্যা সন্তানদের এভাবে কুমারী জীবন পালন করায় পৃথিবী জনশূন্য হয়ে যেত না কি? কথাটি কি বিজ্ঞান সম্মত? “নিজে বিবাহ না করে চিরকুমার বা চিরকুমারী থাকা এবং যদি বিবাহ করে ফেলে তাহলে মেয়েদের কে বিবাহ না দিয়ে চিরকুমারী রাখাই উত্তম”: ১-করিন্থীয় (৭:২৬,৩৭)- একথা মানুষকে গুনাহগার বানানোর একটি মাধ্যম। গুনাহর পথ খুলে দেয়া কি ঠিক?

জিজ্ঞাসা- ৮৯

খ্রিস্টধর্ম বিধবাদের অধিকার ক্ষুণ্ণ করে কেন? দেখুন বাইবেল কী বলে- বিধবা মহিলাকে বিবাহ করা ব্যভিচার করার সমান”

“আর আমি তোমাদিগকে কহিতেছি, ব্যভিচার দোষ ব্যতিরেকে যে কেহ আপন স্ত্রীকে পরিত্যাগ করিয়া অন্য স্ত্রীলোককে বিবাহ করে, সে ব্যভিচার করে; এবং যে ব্যক্তি সেই পরিত্যক্তা স্ত্রীকে বিবাহ করে, সেও ব্যভিচার করে।” শিষ্যেরা তাঁহাকে কহিলেন, যদি আপন স্ত্রীর সঙ্গে পরুষের এইরূপ সম্বন্ধ হয়, তবে বিবাহ করা ভাল নয়। তিনি তাঁহাদিগকে কহিলেন, সকলে এই কথা গ্রহণ করে না, কিন্তু যাহাদিগকে ক্ষমতা দেওয়া হইয়াছে, তাহারাই করে। কারণ এমন আছে, যাহারা মাতার উদর হইতে সেইরূপ হইয়া জন্মিয়াছে; আর এমন নপুংসক আছে, যাহাদিগকে মানুষে নপুংসক করিয়াছে; আর এমন নপুংসক আছে, যাহারা স্বর্গ-রাজ্যের নিমিত্তে আপনাদিগকে নপুংসক করিয়াছে। যে গ্রহণ করিতে পারে, সে গ্রহণ করুক।” মথি- ১৯:৯-১২

জিজ্ঞাসা- ৯০

ক্যাথলিক খ্রিস্টানদের ফাদার ও সিস্টারগণ চিরকুমারী থাকেন এটা কি অযৌক্তিক ও অসামাজিক পদ্ধতি নয়?

জিজ্ঞাসা- ৯১

গির্জাগুলোতে ফাদারদের অনৈতিক কর্ম চলে কেন?

পত্রিকার পাতায় প্রায়ই এ ধরনের খবর পাওয়া যায়। এমনকি সন্ধ্যার পর গির্জা খোলা যাবে না বলে পোপ নির্দেশ জারি করে। ধর্মের পবিত্র স্থানের অবস্থা যদি এমন হয়, তাহলে বাকি আর কী হতে পারে তা কি কল্পনা করা যায়?

পাঠকদের সুবিধার জন্য এখানে পত্রিকার একটি কার্টুন পেশ করছি। “ধামেরিয়ান গির্জা থেকে বের করে দেয়া হলো তিন ক্যাথলিক পাদ্রীকে।’ আমেরিকার তিন ক্যাথলিক পাদ্রীকে অপ্রাপ্ত বয়সীদের উপর যৌন নির্যাতন ও যৌন হেনস্তার অভিযোগে স্থায়ীভাবে খ্রিস্টান ধর্মীয় অনুষ্ঠান পরিচালনা থেকে সরিয়ে দেয়া হয়েছে। ফিল্ডেলফিয়ার আর্চবিশপ চার্লস জে চাপুট এ ঘোষণা দিয়েছেন। এ ঘোষণায় বলা হয়েছে, গির্জার মূল্যবোধ লঙ্ঘনের কারণে রেভারেন্ড জোসেফ জে গালাগার এবং রেভারেন্ড মার্ক গাম্পার খ্রিস্টানধর্মের আচার অনুষ্ঠান পরিচালনার অনুপযুক্ত হয়েছেন। একই সঙ্গে মস্সিগনার রিচার্ড টি পাওয়ার্সকেও অনুরূপ দায়িত্ব থেকে স্থায়ীভাবে সরিয়ে দেয়া হয়। আশির দশকে গির্জার বালকদের সঙ্গে যৌন অশোভন আচরণ করেছেন বলে এর আগে গালাগারের বিরুদ্ধে দুদফা অভিযোগ ওঠেছে। এছাড়া গির্জা কর্তৃপক্ষ গালাগারের বিরুদ্ধে কোনো শাস্তিমূলক ব্যবস্থা নিতে অস্বীকার করায় গালাগারের যৌন হেনস্তার শিকার একজন ২০০৯ সালে আত্মহত্যা করেন। এই বালকের পারিবারিক আইনজীবীর পক্ষ থেকে সে সময় বলা হয়, গালাগারকে যৌন নির্যাতনের দায়ে কারাগারে পাঠানো উচিত ছিল। কিন্তু আর্চবিশপ এ জাতীয় ঘটনা ধামাচাপা দেয়ায় তা হয়নি।(সূত্র. দৈনিক আমার দেশ ১০-০৪-২০১৩ইং)

জিজ্ঞাসা- ৯২

খ্রিস্টধর্মের শিক্ষা কি মানুষকে অনৈতিক কর্ম থেকে বিরত রাখতে পারে?

কারণ আমরা দেখতে পাই, পৃথিবীতে সবচেয়ে বেশি অপকর্ম চলে এসব দেশে যেসব দেশে খ্রিস্টধর্মের লোকেরা বসবাস করে। এই ধর্ম তার শিক্ষা দিয়ে মানুষকে এতো অপকর্ম থেকে বিরত রাখতে পারে না কেন?

জিজ্ঞাসা- ৯৩

খ্রিস্টধর্মের সাথে প্রচলিত ইঞ্জিলের মধ্যে বিদ্যমান ঈসা মাসীহের কথা ও কর্মের সাথে কোনো মিল নেই কেন?

দেখুন পৌলের উদ্ভাবিত ঈসায়ী ধর্মের মূল ভিত্তি যা ঈসা মাসীহের কথার সাথে অমিল। (১) যীশুর ঈশ্বরত্ব (২) ত্রিত্ববাদ (৩) পুত্রত্ব (৪) আদমের পাপে সকল মানুষের জাহান্নামী হওয়া (৫) তাওবা সত্ত্বেও মানুষদের ক্ষমা করায় আল্লাহর অক্ষমতা (৬) মানুষদের মুক্তির জন্য আল্লাহর নিজ পুত্রকে কুরবানী করতে বাধ্য হওয়া (৭) যীশুর ক্রুশে মরে অভিশপ্ত হওয়া (৮) যীশুর নরকভোগ করা (৯) শরীয়তের বিধিবিধান বাতিল হওয়া।... প্রচলিত ইঞ্জিলের মধ্যে এ সকল বিষয়ে ঈসা মাসীহের কোনো সুস্পষ্ট বক্তব্য নেই বরং এগুলির বিরুদ্ধে সুস্পষ্ট বক্তব্য অনেক। সম্ভবত বিশ্বের সবচেয়ে বড় প্রতিষ্ঠিত মিথ্যা হলো সাধু পৌল-এর বানানো ধর্মকে “ঈসায়ী” ধর্ম বা “খ্রিস্টধর্ম” নামকরণ

জিজ্ঞাসা- ৯৪

আপনারা ত্রিত্বের বিশ্বাস করেন বলুন ত্রিত্বের স্বরূপ কী?

জিজ্ঞাসা- ৯৫

পিতার সাথে পুত্রের সম্পর্ক কী?

জিজ্ঞাসা- ৯৬

যীশু কীভাবে ও কখন থেকে ঈশ্বর? জন্ম থেকে না মানুষ হিসেবে জন্মের পরে?

জিজ্ঞাসা- ৯৭

যীশুর মধ্যে একটি ব্যক্তিত্ব, না কি দুটি ব্যক্তিত্ব?

জিজ্ঞাসা- ৯৮

তৃতীয় ঈশ্বরের উৎস কী? (পবিত্র আত্মা)

জিজ্ঞাসা- ৯৯

পৌল কে? তিনি কি ঈসা নবীকে দেখেছেন? যীশু কি তার কথা কিছু বলে গিয়েছেন? যদি না বলে থাকেন তাহলে তার কথা আপনারা মানেন কেন?

জিজ্ঞাসা- ১০০

পৌলের মতে শরীয়ত পালন শুধু অপ্রয়োজনীয়ই নয়; উপরন্তু তা মুক্তির পথে প্রতিবন্ধক। তাহলে আপনারা শরীয়ত তথা দশ আজ্ঞার বুলি আওড়ান কেন? দেখুন এ ব্যাপারে পৌল কী মত পোষণ করে?

পৌলের মতে: শুধু মনের বিশ্বাস ও মুখের স্বীকারোক্তি মুক্তির জন্য যথেষ্ট, শরীয়ত পালন শুধু অপ্রয়োজনীয়ই নয়; উপরন্তু তা মুক্তির পথে প্রতিবন্ধক,

“কেননা ব্যবস্থা (শরীয়ত) দ্বারা পাপের জ্ঞান জন্মে” (বাইবেল, রোমীয় ৩:২০)।

শরীয়ত সকলকে পাপের মধ্যে আবদ্ধ করে, শরীয়তই পাপের উৎস, শরীয়ত পালন করে কেউ ধার্মিক হতে পারে না; বরং পাপী ও অভিশপ্ত হয়। শরীয়ত পালনকারী ঈসা আ. থেকে বিচ্ছিন্ন এবং আল্লাহর রহমত থেকে বঞ্চিত! অর্থাৎ ঈসা সহ সকল নবী ও তাঁদের অনুসারীরা পাপী, অভিশপ্ত ও আল্লাহর রহমত থেকে বঞ্চিত!

পাঠক, আপনি কি জানেন সাধু পৌল যাকে অভিশাপ, শত্রুতা, গজব ও পাপ বলে আখ্যায়িত করলেন সেই শরীয়ত বা বিধিবদ্ধ আজ্ঞাগুলো কী? মূসা আ.এর দশ আজ্ঞা (ten commandments) নিম্নরূপ: মূসা আ. বললেন, ঈশ্বর এই সকল কথা বললেন:

১- আমার ব্যতিরেকে তোমার অন্য দেবতা না থাকুক [অর্থাৎ আমার সঙ্গে কাউকে শরীক করো না];

২- তুমি কোন মূর্তি নির্মাণ করো না;

৩- তুমি তাদের কাছে প্রণিপাত করো না;

৪- তুমি বিশ্রাম দিন স্মরণ করে পবিত্র করো;

৫- তোমার পিতা ও তোমার মাতাকে সমাদর করো;

৬- নর হত্যা করো না;

৭- ব্যভিচার করো না;

৮- চুরি করো না;

৯- তোমার প্রতিবেশীর বিরুদ্ধে মিথ্যা সাক্ষ্য দিও না;

১০- তোমার প্রতিবেশীর স্বীতে কিম্বা দাসে কি দাসীতে. তার কোন বস্তুতেই লোভ করো না।*

পৌলীয় খ্রিস্টধর্মে এগুলো মান্য করা পাপ, গজব, অভিশাপ ও আল্লাহর রহমত থেকে বঞ্চিত হওয়ার মূল কারণ! তাহলে অভিশাপ থেকে মুক্ত হতে এবং আল্লাহর রহমত বেশি বেশি পেতে অবশ্যই শিরক করতে হবে, ব্যভিচার করতে হবে, নরহত্যা করতে হবে, চুরি করতে হবে, পিতামাতাকে সমাদর করা থেকে বিরত থাকতে হবে, প্রতিবেশীর বিরুদ্ধে মিথ্যা সাক্ষ্য দিতে হবে,

* - পবিত্র বাইবেল, পুরাতন ও নূতন নিয়ম, ১৯৭৩ সাল, যাত্রা পুস্তক ২০:৩-১৭, দ্বিতীয় বিবরণ ৫:১-১৬-২১।

প্রতিবেশীর স্ত্রী ও সম্পদে লোভ করতেই হবে! এ সকল পাপ যে যত বেশি করবে সে তত বেশি আল্লাহর রহমত লাভ করবে!!!

জিজ্ঞাসা-১০২

পৌলের অনুসারী খ্রিস্টান প্রচারকগণ তাদের এ মানবতাবিরোধী ও মানবীয় প্রকৃতির সাথে সাংঘর্ষিক ধর্মকে ‘সহজ ধর্ম’ বলে প্রচার করেন। তারা বলেন: তাদের ধর্ম সহজ এবং ইসলাম ধর্ম কঠিন। ইসলাম ধর্মে মুক্তি পেতে মুত্তাকী হতে হয়; কিন্তু তাদের ধর্মে বিশ্বাস থাকলেই হলো; কাজেই যত খুশি পাপ করেও জান্নাত পাওয়া যায়!!!! এমন দাবি কি সঠিক? বিষয়টি বুঝার জন্য নিম্নের বিষয়গুলি বিবেচনা করুন:

(ক) সরল মানুষকে প্রতারণা করার এটি বড় মাধ্যম। এ অস্ত্র দিয়ে পৌল ঈসা আ.এর ধর্ম নষ্ট করেন। শুধু বিশ্বাসেই মুক্তি, কোনো কর্মই জরুরী নয়। ব্যভিচার, নরহত্যা, দুর্নীতি, মাদকতা ইত্যাদি যত পাপই কর না কেন যীশু তোমাকে ত্রাণ করবেন। বিশ্ব মানবতাকে ধ্বংস করার জন্য এর চেয়ে বড় প্রতারণা আর কী হতে পারে? বর্তমান বিশ্বে মানবতার অধঃপতন, নৈতিক অবক্ষয়, দুর্নীতি, স্বার্থপরতা, মাদকতা ও হিংস্রতার প্রসারের মূল কারণ পৌলের এ ধর্ম। এজন্য খ্রিস্টান সমাজের মানুষ হৃদয়ের পবিত্রতা হারিয়ে অবক্ষয়ের গভীরে নিমজ্জিত হয়েছেন। খ্রিস্টানপাদরীগণ কর্তৃক খ্রিস্টান চার্চগুলোর মধ্যে যে পরিমাণ ব্যভিচার, ধর্ষণ, শিশুধর্ষণ, গর্ভপাত ইত্যাদি ভয়ঙ্কর পাপ সংঘটিত হয়, বিশ্বের অন্য কোনো ধর্মের ধর্মগৃহে এর শতভাগের একভাগ পাপাচারেরও নজীর নেই।

(খ) প্রচলিত ঈসায়ী ধর্ম সহজ নয়। মানুষের বানানো ধর্ম যা হয়। একদিক সহজ করতে যেয়ে অন্যদিক কঠিন হয়ে গিয়েছে। এ ধর্মে হারামকে হালাল আর হালালকে হারাম বানানো হয়েছে। এ ধর্মের নির্দেশ হলো পাপ করলে সরাসরি আল্লাহর কাছে ক্ষমা চাওয়া যাবে না, বরং পাপের কথা পাদ্রীর কাছে বলতে হবে। নিজে বিবাহ না করে চিরকুমার বা চিরকুমারী থাকা এবং মেয়েদেরকে বিবাহ না দিয়ে চিরকুমারী রাখাই উত্তম (মথি ১৯:৯-১২, ১ করিন্থীয় ৭:১-৪০)। ঈশ্বরের জন্য পিতামাতা, স্ত্রী-পরিজন ত্যাগ করা প্রয়োজন; তাতে শতগুণ পিতামাতা স্ত্রীপরিজন পাওয়া যাবে! (মথি ১৯:২৯, মার্ক ১০:২৯-৩০, লূক ১৮:২৯-৩০)। এ ধর্মের বিধানে কোনো ধনী জান্নাতে যেতে পারবে না (মথি ১৯:২৩-২৪; মার্ক ১০:২৫)।

(গ) এ ধর্মের সবচেয়ে কঠিন হলো বিশ্বাস। প্রচারকগণ বলেন: শুধু যীশুকে বিশ্বাস করলেই মুক্তি। তবে কীভাবে তাঁকে বিশ্বাস করতে হবে তা

সত্যিকার অর্থে কেউ বলতে পারে না। খ্রিস্টান পণ্ডিতগণ স্বীকার করেছেন যে, ত্রিত্ববাদ একটি ননসেন্স বা নির্বোধ প্রলাপ; কেউই তা বুঝেন না ত্রিত্বের স্বরূপ কী? পিতার সাথে পুত্রের সম্পর্ক কী? যীশু কীভাবে ও কখন থেকে ঈশ্বর? জন্ম থেকে না মানুষ হিসেবে জন্মের পরে? তার মধ্যে একটি ব্যক্তিত্ব নাকি দুটি ব্যক্তিত্ব? তৃতীয় ঈশ্বরের উৎস কী? ইত্যাদি বিষয় নিয়ে বিগত দুই হাজার বছরে অন্তত দু কোটি খ্রিস্টান মারামারি করে খুন হয়েছেন। Nestorian, Monarchianism; Trinitarian heresies, Modalism, Tritheism, Partialism, Adoptionism, Arianism, The Filioque fracas, Schism... ইত্যাদি আর্টিকেলগুলি যে কোনো এনসাইক্লোপিডিয়া অথবা ইন্টারনেটে দেখলেই পাঠক বুঝবেন, খ্রিস্টধর্মের “ঈমান” কত ভয়ানক দুর্বোধ ও কঠিন।

(ঘ) কোনো শিক্ষা প্রতিষ্ঠানে যদি এরূপ সহজত্বের ঘোষণা দিয়ে বলা হয় যে, আমাদের প্রতিষ্ঠানকে শ্রেষ্ঠ প্রতিষ্ঠান বলে বিশ্বাস করে ভর্তি হলেই হলো, লেখাপড়া করুক অথবা না করুক, পরীক্ষার খাতায় কিছু লিখুক অথবা না লিখুক, তাকে আমরা সর্বোচ্চ ফলাফল দিয়ে পাস করাব, তবে যারা নিয়মিত লেখাপড়া করাকে ভাল রেজাল্টের পথ বলে মনে করে তারা এরূপ সুযোগ থেকে বঞ্চিত হবে... আপনি কি উক্ত প্রতিষ্ঠানে আপনার সন্তানকে ভর্তি করাবেন? এ প্রতিষ্ঠান কি কোনো ভাল ছাত্র তৈরি করতে পারবে?

এভাবে কোনো দেশ যদি ঘোষণা দেয় যে, আমাদের দেশের নাগরিক হলে শত খুন সব মাফ, যত বড় অপরাধীই হোক না কেন আমরা তার শাস্তি মওকুফ করে দিবো, তবে যারা আইন মেনে সুশীল নাগরিক হতে চায় তাদেরকে এ সুযোগ থেকে বঞ্চিত করা হবে... আপনি কি সে দেশের নাগরিক হতে আবেদন করবেন? সে দেশ কি সুনাগরিক তৈরি করতে পারবে? মনে করুন একজন মা এত মমতাময়ী যে, তাঁর সন্তানদের সকল অপরাধের প্রশ্রয় দেন, কোনো অপরাধেই রাগ করেন না সে মায়ের সন্তান কি ভাল মানুষ হতে পারবে?

(ঙ) সম্মানিত পাঠক, মনে করুন, একটি ছেলে প্রায়ই মায়ের অবাধ্য হয়। এরপর যখনই মনটা নরম হয় মায়ের কাছে যেয়ে মাকে জড়িয়ে ধরে, ক্ষমা চায়। তখন মা আদর করেন ও দু’আ করেন। প্রায়ই এমন ঘটে। মায়ের আরেক ছেলে। প্রায়ই মায়ের অবাধ্যতা করে। সে জানে তার পিতা বা ভাই তার জন্য মায়ের কাছে সুপারিশ করবেন। কাজেই সে মায়ের সান্নিধ্যে কখনোই যায় না। অথবা যখনই মনটা নরম হয় তখন বড় ভাইকে মায়ের কাছে তার জন্য সুপারিশ করতে অনুরোধ করে। বলুন তো কোন্ সন্তান সত্যিকার মাতৃপ্রেম ও মায়ের স্নেহ লাভ করবে?

সম্মানিত পাঠক, প্রতি মুহূর্তেই আমরা পাপ করি। যখনই মনটা একটু নরম হয় তখনই আল্লাহর কাছে ক্ষমা চাওয়াই হলো পাপ মোচনের সঠিক পথ। পাপের মাধ্যমে আল্লাহর থেকে আমরা যতটুকু দূরে যাই, আল্লাহর যিকির ও তাওবার মাধ্যমে আমরা আল্লাহর অনেক বেশি প্রেম ও নৈকট্য লাভ করি। ইসলামের শিক্ষা হলো, একজন মা তার সন্তানকে যতটুকু ভালবাসেন আল্লাহ তাঁর বান্দাকে তার চাইতে অনেকগুণ বেশি ভালবাসেন (বোখারী শরীফ, বাংলা অনুবাদ, হাদীস নং-২৫০১ দৃষ্টব্য)। তিনি বান্দাকে সৃষ্টি করেছেন। মা তো সন্তানকে সৃষ্টি করেননি। মা সন্তানের জন্য যতটুকু করেন তাও আল্লাহ পাকের অনুগ্রহে করে থাকেন। সুতরাং তিনি আমাদের মায়ের চেয়েও অনেক বেশি প্রিয়, অনেক আপন। দ্বীন শিক্ষার জন্য মানুষের উদ্ভাদ বা আলিমের প্রয়োজন। কিন্তু মহান আল্লাহর কাছে দু'আ করতে বা তাওবা করতে পাপীকে কারো কাছে যেতে হয় না। কোনো মসজিদ, মাদরাসা বা আলিম-ইমামের কাছেও তাকে যেতে হয় না। নিজের স্থান থেকে নিজের মনের আবেগ ও অনুশোচনা দিয়ে প্রতিটি মানুষ সরাসরি মহান আল্লাহকে ডাকবে, পাপ করলে তাঁর কাছে ক্ষমা চাইবে। এভাবেই ক্রমাগত পাপী বান্দা আল্লাহর প্রিয়তম ওলীতে পরিণত হয়।

পক্ষান্তরে পৌলের পাপমোচন “সহজ” থিওরি পাপীকে ক্রমাগত মহাপাপীতে পরিণত করে। ত্রাণকর্তা বা মধ্যস্থতাকারীর ওপর বিশ্বাস ও নির্ভরতার কারণে সে পাপ ত্যাগ করতে পারে না, কখনো প্রার্থনার আবেগ হলে মূলত উক্ত মধ্যস্থতের কথাই তার হৃদয়ে জাগে। এভাবে তার হৃদয় আল্লাহর যিকির থেকে বঞ্চিত হয়, ক্রমাগত পাপ তার হৃদয়কে অন্ধকার করে তাকে চির জাহান্নামী করে।

সম্মানিত পাঠক, পৌলের এ ‘সহজ’ ধর্ম মানবীয় প্রকৃতিবিরোধী। মানবীয় প্রকৃতির দাবি, মহান আল্লাহর ইবাদত ও যিকিরের মাধ্যমে হৃদয়ে প্রশান্তি আনয়ন করা। খ্রিস্টধর্মে এর কোনোই সুযোগ নেই। এজন্য পাশ্চাত্যের অনেক উচ্চশিক্ষিত খ্রিস্টানগণ ‘সহজধর্ম’ ত্যাগ করে ইসলাম গ্রহণ করছেন, কারণ, খ্রিস্ট ধর্মে আল্লাহর যিকির, গুণগান, আখিরাতমুখীতা ইত্যাদি কিছুই নেই। কালেভদ্রে চার্চে গিয়ে যে প্রার্থনা করা হয় তাও দুনিয়ামুখী। আর আল্লাহর মর্যাদা ও গুণগান ও আল্লাহর যিকির ছাড়া কখনোই মানুষের হৃদয় প্রশান্তি পায় না। এজন্য মানব সভ্যতাকে সাধু পৌলের প্রতারণা থেকে রক্ষা করতে, আদম, নূহ, ইবরাহীম, মূসা, ঈসা (ঊ) ও সকল নবীর দেখানো মুক্তির পথের নির্দেশনা দিতে সর্বোপরি দেশের সরল মুসলিম নরনারীকে এদের প্রতারণা থেকে রক্ষা করার তৌফিক দান করুন।

খ্রিস্টান ভাইদের প্রতি আকুল আবেদন

প্রিয় ভাইটি আমার, আমি আপনার খুবই হিতাকাঙ্ক্ষি। আপনাকে খুব ভালবাসি। আপনার প্রতি আমার খুব মায়া হয়। আপনার জন্য আমি সর্বদা দু'আ করি। আপনার জন্য আমি ব্যাকুল হয়ে যাই, অস্থির হয়ে যাই। মাঝে মাঝে আমার ঘুম চলে যায়। কারণ, আপনি না বুঝার কারণে বা ভুল বুঝে চিরস্থায়ী জাহান্নামে ঝাঁপ দিচ্ছেন। চলছেন চিরস্থায়ী অন্ধকার ও জাহান্নামের পথে।

আপনি যেই পথে আছেন সেটা শান্তির পথ নয়। ভাই! আমি আপনার হাতে-পায়ে ধরি, আপনি মুসলমান হয়ে যান। জাহান্নামের পথ ত্যাগ করুন। আমি চাইনা আপনি চিরস্থায়ী জাহান্নামে জ্বলুন। আমি চাই না আপনি কঠিন শাস্তি ভোগ করুন। দেখুন ভাই এই দুনিয়ার আগুনে সামান্য সময় আঙ্গুল দিয়ে রাখতে পারি না। প্রখর রৌদ্রে সূর্যের তাপ সহ্য করতে পারি না। তাহলে চিরকাল যেই আগুনে থাকতে হবে তা কীভাবে সহ্য করবো? ভাই! আমি আপনাকে এই কথাগুলো বলছি, এর বিনিময়ে আপনি কিন্তু আমাকে টাকা-পয়সা কিছুই দিবেন না। শুধু আপনাকে ভালবাসি বলেই এ কথাগুলো বলছি। আবারও বলছি ভাই আপনি মুসলমান হয়ে যান। আপনি ফিরে আসুন শান্তির পথে, ফিরে আসুন সত্যের পথে। আপনার বিস্তারিত কিছু জানার থাকলে আমার সঙ্গে যোগাযোগ করুন। বিতর্ক নয় সত্য জানার যদি আপনার আগ্রহ থাকে, আপনি যদি আরো কিছু জানতে চান, তাহলে আপনাকে সময় দিবো। আপনার সকল প্রশ্নের উত্তর দিবো ইনশাআল্লাহ। ভাইটি আমার! শেষ বারের মতো অনুরোধ করছি আপনি আল্লাহর দরবারে দু'আ করুন, হে আল্লাহ! আপনি আমাকে সঠিক পথ দেখান। হে আল্লাহ! জাহান্নামে নিক্ষেপ করিয়েন না। হে আল্লাহ! আমাকে সঠিক পথে চলার তৌফিক দান করুন। সকাল সন্ধ্যা পড়ুন “ইয়া হাদী ইয়া রাহীম” আপনি অনেক বিপদ হতে মুক্তি পাবেন।

ভাই আপনার ইসলামে ফিরে আসার সংবাদ না পাওয়া পর্যন্ত আমার অস্থির মন শান্ত হবে না। আপনি মুসলমান হয়ে আপনার এই হৃদয়বান ভাইটিকে শান্ত করুন। সুসংবাদটি জানিয়ে ভাইটিকে স্থির করুন।

ইতি

আপনার হিতাকাঙ্ক্ষিভাই

যুবায়ের আহমদ

১৯/০৩/৩৫ হি.

১২/০১/১৫ ই.